

Kodak Color Control Patches

趙卷秦弱也

三十一

前署秦州知州朱胡維藩補刊
現

卷緒戊申
陽巴離錄

序

周官職方氏掌天下之圖以掌天下之地扶風班氏因之有地理志他若西京東觀襄陽諸記厥體備焉後代郡邑志書實助於此所以稽舊典存遺忘備史官之採擇也故志與史體例同而詳畧異州縣之志敘事尤詳一邑之文獻掌故雖去取貴嚴而蒐羅必備體固然矣我

朝重熙累洽文治日光

畿輔通志暨各省志靡不興修備舉第偏州小邑舊志兩侵風剝鮑蟬蠹而訛魚豕者亦往往不免泰州爲揚

屬邑自雍正六年州牧褚君修輯迄今已近百年其間
建置之分析田廬之萃渙以及俊行偉節淑德懿操伏
問閉而潛幽光者何可勝道斯亦守土者之責也王君
有慶以道光四年來守茲邑甫下車卽愾然以修志爲
首務與邑之紳士籌經費設公局延宿學蒐輯而討論
之體尙謹嚴辭歸簡要期與郡志傳之久遠乃不數月
而王君奉委北行監收海運次年春余攝州篆與茲盛
舉顧纂輯歲餘成卷帙者未及一半詢之董修諸君知
開纂時前牧王君遍延紳耆以資採訪并屢經出示令
邑之人以其先人嘉言懿行錄送志局而至今寥寥無

從撫拾余懼夫功虧一簣不克成前牧之美更刊示勸
諭以本年八月各送事實到局爲率逾期者不錄冀於
是歲告成共覩全書而洪水驟至禾稼蕩然金穀簿書
披星月於救災撫卹卒卒無須臾間志局公需亦以歲
饑難促捐款十月間余復以母憂去任回籍未嘗不以
斯事未成歉然於懷今年冬接海陵諸君來書知劉君
鈴攝篆以來克終其事全志已成現付剞劂蒙以底本
謄鈔寄陽並乞余言以弁卷首繙閱屢日覺其簡明典
核與彰德武功筆墨如出一轍舊志之蟬銷蠹食繚戾
破碎者爲之考其原補其缺而自分東臺縣後山川河

渠疆域賦役諸大綱條分縷晰瞭如指掌洵足為將來
修輯者之先路余喜夫諸君孜孜不怠以成余在任時
勸諭之苦心而益喜劉君與余共成夫前牧之美也遂
不揣譎陋為書其梗槩焉

道光七年十一月冬至後十日

賜進士出身陞授通州直隸州知州前權知泰州事陳道坦
撰

泰州志職名

總輯

泰州知州升補太倉直隸州知州加知府銜署松江府知府王有慶 天津人

署泰州知州調補吳縣知縣李國瑞 鄭州人

署泰州知州升補通州直隸州知州陳道坦 黃陂人

署泰州知州補授海防同知劉 鈺 懷寧人

同輯

舉 人陳世銘 懷寧人

胡 公書院掌教附監 生曹楫堅 吳縣人

監 生徐鳴珂 興化人

候選直隸州州判副貢生周庠

東臺人

泰州學

正張福謙

泰興人

監輯

署泰州學正候選訓導梁桂

江浦人

襄輯

大挑一等舉人分發雲南候補知縣宮庭

本州人

舉孝廉方正給六品頂帶附貢生高鑾

本州人

府學

生潘厚坤

本州人

候選訓

導朱士煌

本州人

泰州志

凡例

一東臺舊隸泰州今既置縣例應分晰其人物各門在未分縣前者仍錄入

一舊志凡十卷卷中彙刻劉志中十場志宮氏人

物志依錄原文未加編次以致各門重見今分

畫門類稍事增損通前後排比之以符體例

一史書有地理志無建置表今依其例首志建置

沿革不復立表

一名宦及人物各門非已故者不書列女貞節不

拘此例

一舊志藝文太繁其無關地方事蹟者畧加刪汰
以歸簡要至呈狀牌示及祭文墓誌之類茲槩
不錄

一各門新增據州學案嘉慶年續志稿及城鄉送
局者覈書之

一泰州舊為海陵自漢唐來所轄甚廣軼事必多
局中少書籍艱於蒐輯間有考證恐亦未當謹
俟博雅者

泰州志目錄

卷首

序 職名 凡例 目錄 輿圖

卷一

建置沿革 星野附 祥異附

卷二

疆域 鄉都附 莊鎮附

卷三

山川

卷四

河渠 橋渡附 水利附

卷五

風俗 物產

卷六

城池 街市坊巷附

卷七

公署 義局附

卷八

學校 書院附 義學附

卷九

賦役

卷十

軍政 驛站附

卷十一

鹽法

卷十二

祠祀 坊表附

卷十三

秩官表上

卷十四

秩官表下

卷十五

選舉表上

卷十六

選舉表下

封蔭

卷十七

事略

卷十八

寺觀

卷十九

古蹟

冢墓

卷二十

名宦

卷二十一

人物儒林

卷二十二

人物忠節

人物孝友

卷二十三

人物仕績

卷二十四

人物文苑

卷二十五

人物篤行

卷二十六

人物隱逸

人物藝術

卷二十七

人物流寓

人物釋道

卷二十八

列女

卷二十九

列女

卷三十

藝文一

卷三十一

藝文二
碑記

卷三十二

藝文三
疏狀
說傳
序揭
跋論
賦議

卷三十三

藝文四
詩

卷三十四

金石

卷三十五

雜誌



卷三十六

舊序


輿圖

四境圖

西至江都縣界



輿圖



秦州志卷之一

建置沿革

星野附

祥異附

周春秋時吳地後屬越戰國時屬楚

或曰即楚海陽



案戰國策蘇秦說楚威王楚地東有夏州海陽

秦屬九江郡

始皇二十四年定楚以其地置楚郡

通鑑

秦滅楚廣

陵屬九江郡

通典

案秦三十六郡無楚蓋平楚時暫

置後為九江郡

漢置海陵縣屬臨淮郡

臨淮郡元狩六年置縣二十九海陵有江海會祠王

莽時日亭間漢書地理志亭間一本作亭門海陵倉即漢吳王濞

之倉也枚乘上書曰轉粟西向陸行不絕原本脫此句據後漢

書補水行滿河不如海陵之倉謂海渚之陵因以為

倉太平寰宇記

後漢屬廣陵郡

東陽故屬臨淮有長洲澤吳王濞太倉在此後漢書郡

國志案原文中斷一字非連綴書海陵合前漢屬臨淮後漢屬廣

陵宋書州郡志舊州志云光武建武六年海陵省入東

陽屬廣陵此因建武六年有并省四百餘縣之事遂傳成其說雍正府志謂并

省無明文從宋志較有據新府志引三國志注孫策

破劉繇州於海陵又呂岱傳廣陵海陵人俱在建

安時為後漢廣陵郡有海陵之證又引通典云東陽

縣城在盱眙東以漢地攷之中隔射陽高郵二縣不

能遠至海陵遂謂廣陵所領十一城應補海陵一城

而以長洲澤上綴東陽謂其傳寫有脫所論雖近是

然亦有不盡確者案後漢廣陵郡十一城廣陵江都高郵平安

凌東陽射陽鹽賣輿堂邑海西本無海陵則不得云傳寫有脫又案

郡國志如滎陽有鴻溝水高陽故屬涿有葛城之類

俱係連文惟此條中斷一字亦未可云上綴東陽也

至光武時省減縣國而海陵之名已著前漢縣可廢

而名不必廢陳壽裴松之晉宋時人或仍舊名書之不能據此而斷郡國志之有誤且如海陵廢於三國既見宋書何以魏志張遼傳內仍有至海陵之語此又縣廢名不廢之實證也海陵在後漢自係省入他縣特省入東陽則無文可據舊志固屬附會府志舍漢志而專據宋書亦未可為定論也因錄之以俟知者

三國時廢

江淮為戰爭之地其間不居者各數百里以陽海陵

高郵江都三國時廢

宋書州郡志案魏志黃初二年征吳

張遼與曹休至海陵

舊志作六年弟至海陵甚誤

廣陵故城吳志五鳳二年使衛尉馮朝城廣陵魏志

鄧艾傳云開廣陵城陽以待吳人則知廣陵海陵在

三國時不能定其屬魏屬吳也舊志載曹操遷徙海

陵戶口事既無明文

案吳志建安十八年曹公恐江濱郡縣為權所畧徵令內移自

廬江九江蘄春廣陵戶十餘萬皆東渡江無及海陵語

又云吳孫亮以呂岱為

大司馬岱海陵人遂復置海陵尤屬附會並削之

晉太康元年復立

宋書州郡志

廣陵郡統縣八其四為海陽又海陽有江海會祠並見晉書地理志雍正府志年表言晉改曰海陽史無

明文案海陽之名雖見國策而宋書不言改名則陽字恐卽陵字之譌新府志引簡文紀毛璩傳並見以事畧證之似宋書爲可據

安帝時分廣陵置海陵郡治海陵縣

義熙七年分廣陵置海陵山陽二郡晉書地理志安帝

分廣陵郡之建陵臨江如臯孟海蒲濤五縣置山陽

郡屬南兗州同上案府志據宋書海陵縣東晉

爲海陵郡治統志表大清一府志以海陵郡別治建陵

在晉安帝時案晉志無海陵郡治建陵之語未知何

據

宋因之海陵郡徙治建陵海陵縣仍屬廣陵

海陵郡徙治建陵大清一統志表廣陵太守領海陵令

宋書州郡志海陵太守晉安帝分廣陵置領縣六建陵

臨江如臯孟海蒲濤臨澤同上案臨澤宋太豫初置餘皆晉安帝立

建陵廢縣在泰州東北七十里本東海郡屬縣義熙

中僑置於此見方輿紀要今東臺縣境案海陵郡

晉志屬南兗州雍正府志作隸徐州蓋因宋元嘉八

年以廣陵江都等四縣立南兗州治廣陵遂疑南兗

州爲專領廣陵一郡又因三十年南兗并省南徐故

以海陵郡屬之徐州攷晉義熙時徐州統郡十一廣

陵海陵不在所統宋元嘉時以江北為南兗州廣陵

海陵割屬焉宋末南兗猶領郡十一徐志領郡九南齊時

始分為五郡廣陵舊屬徐州當南兗治廣陵時即以屬南兗者如舊非專領

廣陵一郡也至南兗省入南徐其後復立還治廣陵而海

陵郡之別隸徐州史文無見仍以屬南兗州為是

南齊因之廣陵郡移治海陵建元四年省濟陰下邳淮陽東莞四郡并

海陵郡治建陵領縣如舊永明中增置齊昌海安二

縣雍正府志年表加宜海為增置三縣誤宜海已見晉志

梁復以海陵縣為海陵郡治五縣仍屬之

北齊陳北周海陵郡縣如舊

隋開皇初郡廢以縣屬揚州省建陵縣尋析置江浦縣

大業初復省入海陵屬江都郡案梁時郡縣始并隋時郡廢縣存始隸江都郡

唐武德三年置吳州即以前縣置更縣曰吳陵七年州廢縣復

曰海陵屬邗州武德二年為南兗州七年改為揚州景龍二年

折海陵置海安縣開元十年復省入有鹽官先是海陵

郡之臨江如臯皆并入宜海至唐又并入海陵

宜海晉安帝置隋以如臯縣并入唐又省入海陵臨

江亦晉安帝置後周并入宜海方輿紀要

五代楊吳置海陵制置院析海陵置興化縣屬江都府

南唐昇元元年升為泰州割興化吳屬江鹽城吳屬置

泰州志 建置

泰興如臯

本晉縣隋省唐析海陵地置如臯鎮

並海陵五縣屬之又以海

陵東境置靜海制置院

參吳任臣十國春秋地理表

泰州本揚州海陵縣偽吳乾貞年中立為制置院偽

唐昇元元年升為泰州仍析海陵南五鄉為泰興縣

割楚州之鹽城縣改招遠場為縣至保大十年又割

如臯場為縣並隸泰州

太平寰宇記

府志云寰宇記於興化縣下注云偽吳武

義年析為招遠場尋改為興化縣屬揚州是場改為縣即今興化別無招遠縣也

海陵監

煮鹽之務也南唐昇元元年置海陵縣為監置泰州

以轄其監管鹽場八南四場北四場

同上

周為團練顯德五年分秦之靜海都鎮置靜海軍

尋升通州

以海陵東境之東洲鎮置海門縣見十國春秋地理

表海門屬通州

宋為泰州軍事開寶九年以鹽城還屬楚州熙寧五年

分淮南為兩路泰州隸淮南東路領縣四海陵興化泰

興如臯

泰州上海陵郡本團練乾德五年降為軍事

宋史地理志

開寶七年以海陵監移治如臯置西溪鹽倉孝宗

乾道七年罷鹽倉置官鹽場

府志東臺沿革

建炎三年入於金尋復四年置通泰鎮撫使紹興十年

移置泰興沙上時泰興隸海陵復舊治原領四縣十二

年舊志作十四年泰興復隸揚州清熙四年興化復隸高郵

軍自是所統惟海陵望如臯中下二縣

案宋史地理志泰興舊隸泰州府州志俱云宣和四年以泰興屬揚州史

交無見紹興五年屬揚州十年又屬泰州十二年仍隸

揚州以柴墟鎮延冷村隸海陵二十九年盡仍舊興

化舊隸揚州南唐已隸泰州此尚謂揚吳時建炎四年屬承州案是

高郵軍為承州紹興舊志云廢縣紹興五年廢為鎮為昭陽鎮附

海陵三十一年復為軍縣十九年復縣隸泰州乾道二年隸高郵軍又隸

泰州清熙四年還隸高郵軍府州志俱未詳斷今攷

正之

元至元十四年立泰州路總管府二十一年改為州隸

揚州路領二縣海陵上倚如臯上

明洪武初省海陵縣入州領如臯一縣屬揚州府

洪武元年置西溪鎮巡司正德十五年改置泰州分

司駐東臺場

國朝因之為揚州府泰州雍正元年置同知駐東臺鎮專

轄下河水利三年以如臯屬通州乾隆三十三年省東

臺同知分泰州之東北境置東臺縣

星野

黃帝分野次星自斗十二度至婺七度日星紀之次於

辰爲丑保章註曰星紀吳越也又曰斗牛女揚州爾雅以斗牽牛爲吳分漢班固三統歷謂斗江淮牽牛婺女揚州後漢書星紀起斗十一度終女七度爲吳越分魏太史令陳卓定郡國所入宿度廣陵入牛八度晉天文志揚州入牛一度唐志南斗在雲漢下流當淮海間爲吳分

案歷代分野之書皆云星紀之次吳越揚州或云自斗十一度至女七度或云自斗三度至女一度蓋揚州古疆甚廣包吳越甌閩跨嶺表負海堧統郡數十廣陵特其中之一郡耳斗牛女分舍三十度廣陵當牛八度此古天官家言廣陵分野之大畧也泰州爲揚屬明史稿以高郵通泰三州皆斗分謹案

國朝時憲書雍正五年十一月十日壬戌冬至未正一刻後日躔星紀之次十一日躔箕二度至十六日躔箕八度十七日躔斗初度至十二月初十日躔斗二度是日交大寒夜子初一刻三分後日過元枵之次十一日躔斗二十三度十二日躔斗初度至十八日躔牛六度十九日躔女初度由此推之則是今之星紀起箕二度終斗二十二度而牛女二宿全不在星紀之次也伏讀

欽定熱河志敬載

御製題毛晃禹貢指南詩注史記天官書二十八舍主十二州引星經如云角亢鄭之分野之類乃以二十八宿主十二州分配無餘此外更當何屬夫天無不覆星麗乎天亦當無不照今十二州皆中國之地豈中國之外不在此昭昭之內乎且其間有地少而星多亦有地多而星少以天度地輿準之亦不均如井鬼爲雍州陝西甘肅皆是其道里之廣已非兩舍所能該而今拓地遠至伊犁葉爾羌喀什噶爾較禹貢方隅幾倍蓰其地皆在甘肅以外將以雍州兩星概之乎抑別有所分屬乎此又理之難通者蓋分野之說本不足信而災祥則更鄰於讖緯

聖訓昭垂誠足破千古拘墟之見矣惟四時節氣有關土地之宜今遵北極出地表標明之泰州北極出地三十二度三〇二〇夏至日出寅正三刻八分日入戌初二刻一分晝五十九刻八分夜三十二刻一分冬至日出辰初二刻一分日入申正二刻八分晝三十七刻一分夜五十九刻八分

祥異

宋文帝元嘉十九年五月海陵王文秀獲白鳥南兗州

刺史臨川王義慶以獻宋書符瑞志

孝武帝大明二年三月見雙白雉

唐文宗太和四年十一月海陵火新唐書五行志

宣宗大中六年夏饑海陵高郵民於官河中漉得異

米號聖米同上

僖宗乾符六年二月泰州管內四縣生聖米大如芡

實雍正府志

宋太祖乾德二年七月泰州潮水漲壞居民廬舍數百

區溺牛畜甚眾宋史五行志

三年七月泰州潮水損鹽城縣民田同上

開寶元年七月泰州潮水害稼同上

太宗太平興國四年泰州雨水害稼同上

真宗咸平二年海陵縣麥秀二三穗同上

大中祥符四年十一月楚泰州潮水害田水多溺者

同上

二年二月己亥泰州言海陵草中生聖米可濟饑

宋史真宗紀

仁宗天聖五年三月泰州地震宋史五行志

皇祐三年十二月泰州獲白兔同上

神宗熙寧時淮西連歲蝗旱居民艱食通泰農田中

生菌被野飢民得以采食王闢之澠水燕談

元豐四年七月泰州海風駕大雨漂浸州城壞公私

舍數千楹宋史五行志

徽宗崇寧四年泰州禾生穧宋史徽宗紀

政和五年六月泰州軍獲白兔宋史五行志

孝宗乾道元年正月泰州火燔民舍幾盡宋史五行志

淳熙五年八月淮東通泰楚高郵黑鼠食禾既歲大

饑同上

六年通泰楚州高郵軍大饑人食草木同上

九年七月淮甸大蝗真揚泰州窖撲蝗五千斛同上

光宗紹熙二年五月真揚泰楚皆旱同上

七月高郵縣蝗至於泰州同上案高郵於紹興三十一年復為軍縣字

宋史誤

五年五月泰州大水同上

宣宗慶元六年泰州乏食節宋史五行志案是年建康府常潤揚楚通泰和

七州江陰軍早見宣宗紀

理宗淳祐十一年泰州風宋史五行志

元世祖至元十八年四月泰州饑元史世祖紀

成宗大德五年七月江水暴風大溢高四五丈連崇

明通泰真州定江之地漂沒廬舍被災者三萬四

千八百餘戶元史五行志 舊志雍正府志俱誤作二年

案是月戊戌朔晝晦暴風起東北雨雹兼發江湖泛溢東起通泰崇明西盡真州民被災死者不可勝計見成宗紀

九年六月通泰蝗元史五行志

順帝至正元年崇明通泰等州海潮湧溢溺死一千

六百餘人元史順帝紀

十七年泰州海陵縣民劉子彬親墓木生連理雍正

府志

明太祖洪武二十二年七月海潮漲溢壞捍海堰漂溺

呂四等場鹽丁三萬餘口舊志

英宗正統十四年泰州等處水災舊志

憲宗成化三年七月海溢壞堰六十九處雍正府志

六年秋至七年春大旱運河竭七月大雨海潮漲

壞各場鹽倉居民垣屋舊志

孝宗宏治十六年旱疫舊志

武宗正德三年旱饑舊志 案是歲揚州饑見明史五行志

七年七月夜大風海溢沒場亭廬舍人死千計舊志

十二年大水舊志

十三年大水同上 案十四年淮揚饑人相食見明史武宗紀

祥異

世祖嘉靖元年七月大風海溢民廬漂沒同上

二年秋大水民饑疫作雍正府志

三年春大饑

十四年六月蝗○十五年春夏旱秋潦沒田禾

十八年閏七月海潮暴至溺死數千人府志

二十年旱○二十四年旱無禾

二十五年旱無禾○二十八年夏大水

三十一年水○三十二年大旱案是年饑見明史五行志

三十三年大旱城濠竭案是年揚州旱見明史五行志

三十四年旱忽大雨一日夜兩壩俱決禾盡沒

三十五年大水廬舍漂沒○三十七年水

穆宗隆慶元年大稔升米三錢案舊志作斗米三錢今從府志斗米易升

二年大稔

三年大水海潮溢舟行城市漂溺無算

四年旱蟲○五年六年饑

神宗萬曆元年大稔

二年河決水患同隆慶二年案三年二月淮揚大水八月河決高郵見

明史五行志此云二
年或係三年之譌

三年大風壞木傷禾○四年多雨穀貴

五年多雨彗見府志云九月
彗星見西南○六年大水冬雷

七年潦民飢八月洪水至府志作八年洪水至未知孰是

九年潦案十年淮揚海漲浸鹽場三十淹死二千六百餘人見明史五行志

十一年閏二月二十八日雨雹如卵殺飛鳥夏旱多蝗鶩鴿食之

十三年大水海溢

十四年五月颶風霪雨連旬不止城頽四百八十餘丈廬舍盡壞民浮木以棲

十五年烈風暴雨没禾稼○十六年春夏疫

十七年旱蝗案十七年十八年旱蝗相仍下河菱葑之田盡成赤地見雍正府志

十九年水案是年湖淮漲溢決邵伯隄六十餘丈高郵南北俱衝見明史五行志

二十一年大水案是年大水決湖隄見明史五行志

二十三年水○二十四年水

二十五年雨粟雨毛

二十六年水○二十九年水○三十年水

三十一年稔夏秋大疫○三十五年夏旱

三十六年水○三十九年水○四十年水

四十一年大稔

四十二年雨雹傷稼○四十五年旱蝗

四十六年稔

四十七年大旱○四十八年水

熹宗天啟二年大稔

三年十一月地震十二月揚州地震見雍正府志

四年稔

六年七月大風拔木秋蝗旱○七年水傷稼

懷宗崇禎元年稔

四年夏旱秋大水決湖隄民飢道殣相望

五年夏旱六月十五日大風拔木八月淮決漂禾

稼案是年饑流殍載道見明史五行志

七年閏八月二十五夜大風雨拔木漂禾稼

八年七月蝗

九年夏霪雨傷禾冬無雪

十年大稔冬日入赤光亘天

十一年旱蝗無禾冬日入赤光亘天

十二年旱蝗冬無雪赤光亘天

十三年四月至七月不雨河竭無禾人相食

十四年五月六月七月不雨河竭無禾蝗疫

十五年五月雨雹破屋廬殺牛畜

十六年稔以上俱舊志

國朝

世祖章皇帝順治元年稔

祥異

二年麥秀兩歧○三年大稔

四年水漕隄決○七年旱

十七年稔

聖祖仁皇帝康熙元年稔

五年五月朔有霜見府志

七年大水是年清水潭決見興化縣志

十年旱○十二年水○十四年水

十五年水是年清水潭決見興化縣志○十六年水

十八年蝗旱○十九年水○二十一年水涸

二十四年水○三十二年水○三十五年大水

三十六年水○三十七年水

四十四年水○四十六年旱○五十二年旱

五十四年水○五十五年旱○五十八年水

五十九年水○是年諸生王晉原家產紫芝一本

世宗憲皇帝雍正元年大稔

二年海水泛漲淹沒官民田地八百餘頃

四年稔○五年稔○六年大稔以上舊志

七年夏旱蝗○八年六月二十一日大風海溢

九年冬十月地震

十年秋七月十七十八日大風雨壞屋拔木

十一年稔

十二年大風壞屋海潮溢

十三年秋大水冬雨黑豆

高宗純皇帝乾隆三年秋大旱河竭○五年海溢冬大寒

六年大稔

七年夏秋淫雨漕隄決漂溺人民廬舍

案是年七月開五壩堵南

北水關上下兩河田廬盡沒見高郵州志

八年夏大水○九年春雨雹秋旱蝗

十年秋海溢冬大雪

十二年秋七月十四十五十六日大風潮溢淹損通

泰屬鹽場男婦丁口

見鹽法志

十三年夏五月暴風雨雹拔木壞屋

十四年正月朔五色雲見

見如皋縣志

十五年大雨

十八年九月雨淮水驟至壞范隄漂溺人民廬舍

案是

年七月車邏壩石脊封土前後決開六十餘丈諸壩齊開上下河田盡淹見高郵州志

十九年八月初二日大風潮溢淹角斜場男婦人口

二十年七月十四十五日風雨大作淹場亭竈地上

鹽法志

二十一年漕隄決大水大疫

二十三年大稔

二十四年八月初二日初三日大風潮溢淹沒場亭
禾稼

二十五年五月連雨四十日大水

二十六年積水未退秋大風潮溢

二十八年稔

三十三年夏秋大旱河竭

案是年分置東臺縣

三十四年稔秋彗星見

三十五年稔

三十七年大稔秋大風潮溢

三十八年稔

三十九年大旱○四十年夏秋不雨蝗

四十一年稔○四十二年稔

四十三年夏秋旱○四十六年秋大風潮溢

四十七年秋旱

四十八年大稔

四十九年冬旱

五十年大旱蝗無麥無禾河港盡涸民大飢米石價

十千麥石價五千自三月不雨至明年二月雨

五十一年春大疫秋七月水○五十二年水

五十三年大稔米石價一千三百

五十四年蝗尋滅秋稔

五十五年春三月兩雹夏旱秋水冬十二月大雪

五十六年稔

五十七年五月三日大雨雹十二月雷

五十八年稔

五十九年田中黍稽結成太平壽等字

仁宗睿皇帝嘉元稔

二年旱

四年七月初三初四日大風潮溢

五年稔○六年稔

七年旱

八年稔

九年春旱秋水

十年六月大風雨海潮溢江漲淮水驟發開五壩水

淹下河民多流徙

十一年春民飢食水中蘋及榆皮河魚湧出人爭取

之夏旱疫六月荷花塘決漂沒下河田廬無算歲

大禳

十二年旱無禾

十三年春旱秋荷花塘再決災如十年十一年

十四年旱冬雨土如錢○十五年旱

十六年七月彗星見十月沒

十七年淮水漲溢下河成災

十八年春旱秋淮水至

十九年夏秋大旱無禾河涸井泉竭米價石五千

二十年春疫四月大雨秋淮水至

二十一年二月十七日雪夏淮水漲不為災秋稔

二十二年稔

二十三年秋淮水至不為災

泰州志卷之二

疆域 鄉都附 莊鎮附

州在府城東一百二十里東抵如臯西界江都東北分

距東臺南暨泰興北距興化廣一百六十里袤一百十

七里

東南至海安鎮一百二十里又東九里界牌頭距如臯

縣境到如臯縣一百六十里

西至江都縣斗門三十里到江都縣一百二十里

南至大泗莊四十五里距泰興縣境到泰興九十里

北至興化凌亭七十二里到興化縣一百八里

東北至東臺武卞莊四十里到東臺縣一百二十里
西南至沈家渡雙廟十八里距江都縣境

北至東臺塔墩五十里

西北到高郵州一百五十里

西南到江甯府四百里

北到順天府水路三千二百里陸路二千三百里

案舊志言州境廣二百三十五里此未分東臺縣以前之數也又按太平寰宇記載秦州境東西一百七

十里南北二百五十里東至通州三百里西至廣陵界二十里南至大江七十里西北至高郵城村界一

百里東北至鹽城縣丁溪場界一百里此宋時秦州疆域統如阜泰興興化言之也今州境東西廣於南

北從乾隆三十三年分東臺縣後核正

鄉都

在城 六里船戶四里

東北鄉轄都六 舊志有場七今分入東臺縣

一部 十二都里 七 三都里 九 三十三都里 九 三十五都里 四

都 九里

舊有十五都五里因凋疲並二里入一都並一里入三都並一里入四都並一里入三十三都

東永吉鄉轄都四里二十六

十三都八里十四都三十一里十六都八里三十四都七里

東南蒲津鄉轄都五里十五

十七都三十一里十九都一十二里二十都一十二里二十一都五里二十三都五里

都五里

北招賢鄉轄都四里四十一

五都十九里八都上十都里十都下十都里十二都十三里

案舊志言某都某里今賦役版串皆言某都某圖又

州治舊無魚鱗册可考惟有東北正北鄉九都西北七都八都

正西西南六都正南東南三四五都正東一都名目今據府志

舊志除東北鄉分入東臺縣者仍以都里舊名載入

莊鎮

東南隅

三張跳 腰莊 花家舍 野劉莊 軍王莊

西劉莊 袁家莊 西河莊 楊新莊 東河莊

王士劉莊 綽子灣 曹家莊 夏家莊 唐灣

東謝莊 西謝莊 仲家蕩 淤家河 野徐莊

喬南九三莊 戚家莊 十里鋪 小港莊 許五莊

野馬莊 陳李莊 沈塢陳家莊 蔣家莊 殷家莊

穆家莊 朱家莊 王家莊 馬家莊 永豐莊

野張莊 時家莊 李家莊 大馬莊 小馬莊

陳家舍 紅同莊 小泗莊 大泗莊 趙家莊

楊家營 霍家堡 秦家莊 白馬廟 梅新莊

朱家樓 朱家莊 殷家莊 蔡家塋 張家莊

官一莊 翟家莊 宮王莊 大李莊 陳家莊

陸家河 蔣家河 袁家莊 曹于莊 陳家岱

葛家莊 老一莊 周徐莊 馮甸 甸頭

彭家莊 小彭莊 花彭莊 高單莊 土橋

吳家岱 倪呼莊 王家莊 張甸 陳家莊

樂于莊 沙子橋 高家莊 丁家蕩 三周莊

梅塋 陳野莊 橋子莊 馮家堡 孔家莊

刑家莊 東尹莊 西尹莊 楊家莊 王家岱

蠻子莊 桃園莊 回子莊 彭家塋 腰莊

黃村 冷家莊 東唐家莊 坡倫莊 墩子莊

梁徐莊 蔣家莊 翟家岱 張家巷 柳家岱

張村 曹家莊 魏家岱 吳家野 港西

孔家園 唐家園 錢家園 太宇莊 後時莊

前時莊 橫家園 趙家岱 吳家莊 東宮塋

西官塋 甘塋莊 拜官莊 野顧莊 西游莊

倉場莊 曹家莊 馬家莊 高家莊 華家莊

新河岸 郁家園 范家營 丁家園 蔣家莊

周家岱

狗子市

包家岱

前黃溝

後黃溝

前林家蕩

夏莊

運糧河

薛家舍

前馬家嶺

任家莊

董家莊

麻墩

顧家岱

施家岱

大倫莊

栢家莊

張家莊

野曹莊

甸家河

大岸頭

草子莊

吳家界

李家舍

西腰莊

八張犁

夏家莊

孫家莊

新黃莊

沐家灣

沐家莊

張家岱

牧童莊

野沐莊

茆家莊

東盧莊

殷家莊

豆莊

孫沐野

高家莊

野胡莊

蔣塋

鴨兒灣

連河廳

姜家莊

陳家蕩

野朱莊

老朱莊

大河岸

許家橋

徐家莊

葉家莊

野姜莊

東劉莊

李家塋

蕭劉莊

吳蕭莊

杭家鋪

復興莊

陳家莊

申家里

院子莊

後巷里

唐家營

薛家里

張家營

六十畝

許莊

前仲家院

朱宣塋

野夏莊

蕭家莊

官塋

土山莊

周家莊

戚家塋

響堂頭

茆家塋

李家莊

楊魯莊

夏家塋

南繆家岱

曹家岱

塔子莊

龐家莊

周家莊

野徐莊

婁家莊

周機子莊

葛家莊

余東家莊

俞家莊

申家洋

繆家莊

冒花墩

尹家塋 韓家蕩 溪河岸 夏莊 錢家蕩

翁家莊 營溪 滅場莊 東朱家舍 獅子塋

史家莊 丁徐莊 吳家莊 三里港 朱家塋

丁子莊 竹柯莊 于徐莊 尤夏莊 花徐塋

紀家莊 朱家莊 老莊 張家莊 平鼎樓

曲塘 清餅港 夏家莊 周家莊 夏殷莊

姜談莊 劉北野 倪家莊 南景家莊 吳家莊

夏家議 管家莊 徐劉蕩 范家莊 謝家莊

老王塋 四王塋 史家塋 野周莊 劉家塋

錢家莊 徐薛莊 張家莊 野六莊 朱家莊

王木匠莊 甸頭 徐家舍 南薛莊 葛家舍

迴家塋 張家莊 吳包子莊 張莫天莊 邵天莊

江家塋 牛頭莊 王雀兒橋 興旺莊 南陳莊

紀家莊 烟冲港 薛家莊 南周莊 孫家莊

顧茆莊 河家莊 東蘇莊 四排屋 韓家莊

焦港 野韓莊 張腰莊 蔣家莊 大環塋

夾巷莊 鍾家莊 吳家莊 柏家莊 史家莊

談家莊 南周莊 南萬莊 北萬莊 全家莊

野景莊 譚汪子莊 許家莊 田家莊 陳家莊

許家莊 黃柯莊 胡家舍 新田莊 新慶莊

花園莊 陳老莊

已上東南隅共三百四十二莊

正東隅

鮑家壩 南北斜橋 薛家莊 老東河 智毛堡

姜家窰 錢家莊 蓮花池 雀家莊 紅廟莊

紅家廟 蕭家莊 林庵莊 朱家樓 萬家窰

曹家莊 趙家河 任家莊 許鄭莊 戴家莊

林家墳 南北馬莊 陳家墳 東西墩子

十里鋪 竇家莊 吳家岱 孔家莊 院莊

江家莊 下水溝 西石羊 桑家莊 東石羊

下碁莊 東蘇陳莊 花園頭 東西官莊 橫家莊

李家河 張家莊 溝子岸 戚家莊 徐家莊

東西查家莊 宋子墩 東西沙村莊 雁倫莊 大墩莊

李家堡 楊家院 花堡莊 孫家莊 大楊莊

車喬頭 倪家院 柳莊 野楊莊 聖唐莊

北牛莊 張家院 沈家莊 鄭家莊 唐家莊

常家莊 劉麻莊 新莊 野豆莊 蔣家莊

繆家莊 軍鋪 劉家莊 萌家莊 邵家舍

武家岱 俞家田 甯家莊 新安莊 馮甸

施家莊 孫家莊 葛港 南北石家岱 許家莊

陸家莊

東單塘河

西朱家舍

一仙舍

壽生寺

殷家莊

黃村

武家莊

東馬廠莊

沐家灣

東陳家莊

姜堰鎮

腰莊

樓子頭

窰頭

官莊

腰黃莊

老莊

東小莊

瓜渡莊

李北家莊

周家舍

橫家岱

小東莊

任家岱

潘家岱

金家岱

刁家岱

徐家岱

黃家岱

蔣家岱

天目山

罈子口

秦家岱

劉家岱

朱家灘

前仲莊

東官莊

下墳頭

東馮家莊

范家舍

野溝頭

陳家岱

夏朱莊

劉家舍

袁家舍

張尤莊

李家莊

尤家莊

俞九舍

胡家舍

西舍

陳家莊

棟樹塋

張宣舍

南北舍

河家蕩

張家莊

吳家堡

蔣家舍

俞家莊

田家舍

碱場莊

馬溝

喬兒灣

後王家莊

黃練樹

白米鎮

韓家莊

新豐莊

賀曹莊

曹莊

馬家灣

胡家莊

耿家莊

南楊莊

趙莊

魏家莊

馬家甸

巫溝橋

老莊子

朱翟莊

章郭莊

錢家莊

鄧家舍

子由橋

常家橋

東劉莊

西劉莊

雍家舍

楊家莊

蔡家港

呂莊

申家莊

毛溝蟲

俞家樓

崔母鎮

高家舍

楊家塋

紅喬莊

劉老莊 東楊莊 紫塋莊 姜家舍 高家莊

嚴家莊 南北馬莊 朱家樓 胡家莊 臧家莊

岳家莊 戚家灣 北周莊 姜家店 姜周莊

毛家莊 曲塘鎮 唐家尖 孫家花 花家舍

景家莊 史家莊 萬家莊 馮家岱 南馬舍

田家莊 白唐莊 陳家莊 新劉莊 東元溝

腰莊 趙家塋 鄭家莊 羅家鼎 郭家樓

呂馬莊 尖塋橋 馬家橋 野謝莊 謝王河

魏家莊 王家莊 胡家集 黃自量 鄧家圩

鄭家橋 錢家樓 土城頭 何家橋 劉家圩

邵家莊 梁莊司 南劉莊 顧家莊 北劉莊

徐家莊 荀家莊 張家莊 申家橋 王家莊

馬家蒯 鄧家莊 夏家莊 干步溝 鰻魚灣

梭林莊 鄧家莊 裴家莊 周家溪 杜家樓

雙樓莊 戚家莊 朱家舍 烏金蕩 長格頭

申家橫子 厲家窰 龍開聲 殷蒲港 花家莊

六里港 瀾泥橫 盧家網 崔家莊 奚家橋

江家莊 蘇家橋 韓家窰 江家舍 繆家莊

潘家莊 穆管莊 吉家莊 野于岸 于家莊

三里廟 大禮莊 盛家莊 劉官莊 海安鎮

老東河 桑樹園 陳唐莊 界牌頭 孫家莊

太平橋 錢家莊 牌兒莊 大敦廟 粉房頭

許莊 陳家墳 黑兒橋 何家莊 薛家莊

賁家集 賁毛莊 陳家莊 下集莊 盧家莊

崔家莊 王家莊 解家蕩 夏許洋 高家莊

田家莊 周家院 王家院 集周家莊 十里鋪

雙馬頭 時家港 張家院 李支莊 缸廟莊

邱儲莊 徐家莊 周家套 油榨頭 翟家橋

孔家莊 丁徐莊 劉_侑子莊 張吳莊 丁申莊

韓家洋 嚴家莊 潮墩莊 王坤莊 王串莊

冒家池 戴家莊 早家莊 于家壩 楊樹頭

許家港 小缺口 徐家莊 馬家莊 申賢莊

楊家莊 杜家莊

已上正東隅共二百四十七莊

東北隅

花園頭 劉家塋 黃家塋 顧家塋 梅家塋

陳家塋 徐家塋 朱家樓 汪城口 魏家塋

靳家潭 周家莊 尤家莊 楊家莊 朱莊

裏溪莊 野卜莊 淤溪莊 何姚莊 祝家莊

馬家堰 讀書莊 耿家莊 俞家塋 王師莊

茅家莊 姜家莊 房家莊

已上東北隅共二十八莊

正北隅

新城殿 馮家塋 洪家塋 北倉塋 金家塋

唐家甸 李家塋 陳家舍 魚行莊 丁家鋪

孫家塋 窩頭莊 南朱莊 北朱莊 宮家莊

桑家灣 港口鎮 上溪莊 董家潭 南曹于橋

北曹于橋 花薛莊 倉場莊 尹家莊 野于塋

管王莊 陶家舍 南陳莊 田家塋 花家舍

馬家莊 三角塋 甸家莊 夏家莊 孫家莊

吉家莊 陸家莊 潘王莊 橫家莊 草子莊

葉甸莊 許家莊 柳林寺 界河莊 東坂埭

西坂埭 陳家莊 高家莊 鴨孫莊 汪家莊

官場舍 顏呂莊 鄔劉莊 周薛莊 校家莊

野劉莊 孫家莊 祁河莊 東澣塋 西澣塋

宜鄉鎮 果園頭 向河莊

已上正北隅共六十三莊

西北隅

竇家塋 西壩莊 俞家尖 張家舍 麒麟灣

袁家舍 王家舍 楊家莊 罡門 葛家舍

左家舍 管家舍 劉家舍 潼頭莊 陸家莊

南李華莊 北李華塋 杜家舍 羊打鼓 裴家舍

新于莊 野營莊 野馬莊 華塋 楊三莊

興旺莊 沈親莊 東賈湖 西賈湖 南新莊

北新莊 南曹莊 小紀鎮 江靳莊 丁家塋

馬家舍 高王莊 高家莊 俞家莊 魚兒港

朱家樓 顧家伙 湯家橋 戚家舍 黃家舍

野胡莊 秦家莊 鄭王莊 仲盧伙 賈村

凌李伙 李茂莊 徐家河 宗村鎮 蹇家莊

後石莊 趙家舍 北干莊 前後竹墩 唐家莊

軍王莊 杜家莊 葛家莊 沙倫莊 凌家莊

陳家莊 南王莊 北王莊 萬家莊 灣上莊

蔣家河 臧許河 錢家莊 邱家莊 費家莊

瓜嬰莊 南吳莊 蕭劉莊 瓦屋舍 朱寶莊

孫家舍 孫陳舍 戴黃舍 太平庵 陳太平莊

樊家舍 姜家舍 小龍莊 九載莊 莫家舍

欽家橋 張家莊 范鴨河 南盛家河 北盛家河

張曹莊 六家巷 王家塋 官莊 陳篩河

劉家庵 王岳河 蒲塘莊 湖南莊 王家莊

馬做莊 王朗舍 傅家倫 仲家莊 蘇家塋

袁家橋 薛家塘 郭家舍 王家塋 陶家舍

張石莊 三周莊 蔡天鵝 蕭野莊 時家塋

戴家舍 新安莊 黃家套 聞家莊 江家圩

華孫莊 沈家舍 徐家舍 馬家莊 李家樓

茶楊莊 湯波斯 花園頭 黃家樓 野朱莊

學田舍 管家舍 蔡家塘 大翁家院 竹園頭

劉家舍 曲塘橋 施家莊 七里甸 季家舍

蔣家灣 起家舍 孫回莊 馬家舍 王家舍

樊汭鎮 周家舍 八胡莊 紀家莊 童墩莊

汪家蕩 顧塘莊 東葛舍 呂黃莊 野前莊

沙子頭 陳家莊 顏家莊 王家莊 何家莊

朱家莊 上河墩 富民莊 三頃舍 扁家塋

徐浩莊 新舍 鴨徐河 彭家河 談家河

王家河 裴家舍 潘家塋 王貞舍 范家舍

太平舍 王五尖 常家舍 楊金塋 徐西舍

草龍塋 祝家莊 武家莊 李家莊 劉家莊

下溪莊 吉家莊 花六莊 東彭毛 西彭毛

葛家巷 塔岳莊 北韓莊 仲家舍 沈家塋

許家塋 老舍 徐家塋 薛家塋 吳家舍

吉家舍 陳家舍 吳家堡 長老網 墩子頭

周家舍 窩頭 唐家塋 陳家塋 劉五舍

戈家塋 夾剪腦 焦家莊 六人舍 樓子頭

新于舍 于侑舍 滕家舍 張家舍 任家舍

宋家莊 徐曹舍 孫家舍 陳家舍 汪家樓

顏塋 華家塋 裴家舍 閔家舍 孔家舍

應馬池 高家舍 林家舍 黃思莊 朱家河

姜家舍 吳陳莊 下河墩 郜家莊 謝家河

六家莊 俞家莊 戴家舍 呂家舍 周家莊

吳仙莊 野葉舍 嵇家莊 徐家舍 鄭家莊

史家舍 黃金舍 杜家樓 仲家樓 丁家塋

北于莊 五頃舍 沈家舍 校家塋 花家塋

清陳舍 三角塋 姜家舍 張家尖 楊景瑜

楊家莊 盧家舍 花家舍 張家舍 興隆灣

高家莊 蕭家莊 孫彭莊 朱家莊 西舍

南于陳舍 段子頭 薛家舍 郭家舍 陳强汪夏舍

朱劉徐舍

已上西北隅共二百八十六莊

正西隅

任家莊 景家莊 丁家莊 潘錢莊 涵子上

强陳莊 太平莊 沈家渡 十二里鋪 陳家墳

雙廟莊 斗門莊 長老莊 界溝 後巷莊

前塘莊 唐家網 姚家莊 張家壩 東夏莊

西夏莊 魯家莊 十里鋪 頭營莊 唐家樓

潘家巷 鄭家莊 唐家巷 東林莊 西林莊

孫家廟 西舍莊 魏家汪 婁家莊 包家舍

馬家樓 吳家河 黃家舍 華家舍 張家舍

夏莊 塘頭 莊家橋 西馮莊 易家樓

東馮莊 官莊 董家莊 森森莊 朱家莊

沈家莊 徐家舍

已上正西隅共五十二莊

西南隅

窩灣莊 馬家莊 杜家莊 北徐莊 殷家莊

鮑家莊 繆家舍 鴨孫莊 西汪莊 港上

王家渡 陳家渡 燕口莊 徐家河 董家河

靳家橋 新劉莊 吉家莊 曹蔣莊 圩家壩

姜小莊 大姜莊 倪家港 馬家舍 馬敞莊

湯子莊 小巷莊 顏塔莊 圩子莊

已上西南隅共二十九莊

正南隅

張家堡 錢家莊 永興莊 五屋舍 李家莊

陳家墳 火燒莊 東汪莊 楊三佛莊 寺巷口

小壽莊 大壽莊 小王莊 大王莊 廟灣鎮

季家舍 太平莊 六家莊 屠家橋 蔣家橋

劉林巷 塞家莊 西野莊 東野莊 南壩塘

鄧家淺 大泗莊

已上正南隅共二十七莊

通共一千一百七十四莊

泰州志卷之三

山川

泰山 在州治西門內宋紹興十年開東西市河壘土

而成高五丈周百二十餘丈因州為名登山四望距

城百里舉在目前舊志云京口諸峯隱約可見案宮

泰州與江陰相值圖山出雲泰州未嘗不雨則寶慶

二年州守陳垓浚山下湖礫為往來泊舟之次祀胡

瑗於山左詳見書院明正統九年州同知王思旻建泰山

祠正德間千戶王華建玉女祠於山之陽萬曆十年

兵備副使舒大猷於山巔建岳忠武廟以飛嘗知泰

州故特祀云

駱駝嶺 在州治西南登仙橋東北平地隆起如駱駝形置千戶所於上即今衛所署

天目山 在州治東四十五里高二丈三尺周二百三十步王仙翁嘗隱是山有二井詳見釋道王治傳及宋胡昉天目山記

九域志載仙翁山昔有王道人尸解於此華陽陶隱居云地鉢福地在臨淮東今天目山即其地又真誥

有五陵海陵其一也舊志天目山土山也在縣東六

十里海陵縣山有雙井相對其水清冽呼為天目山長

老云天目山最高大太平寰宇記案沈龍翔天目晴嵐詩注云天目本土山而基

址甚高形家指為堰口後托山田屬學中管業近則居民占種四周掘斷山脈田幾與山平矣諸仙蹟盡廢惟丹井石欄在耳

呂城山 在州治東三十里高一丈周三百八十步形如城相傳有呂姓者居之因名

鳳山 一名玉山在海安鎮高三丈周百步山前溪路環繞傍山為橋昂首巽方有鳳形焉故名山麓為安定祠上有泰山行宮

羅浮山 在州治西北五里高一丈周一里七十八步在藪澤中不為洪水所漫遙望如羅浮故名

已上山

市河 自南水門入至北水門出以通運河明萬厯二十九年都御史李三才重浚所謂中市河也

玉帶河 城內沿城一帶東西市河是也其東市河自中市河分析至東水門出以通外河後通水門塞復自東門新開一河接通南北其西市河自南水門入通新河俱從北水門出

運河 有西南北三河卽運鹽河也西運河自江都灣頭鎮而東經州西二十五里斗門鎮入州境舊名吳王溝卽漢吳王濞開以通運者今爲運鹽河南運河自州治南折而東抵通州及各鹽場入於海北運河在州治北通東臺及各鹽場

串場河 在海安鎮東北徐家壩下詳見水利

新河 在州治西光孝寺東其水東接西市河北出北水門宋嘉定十三年州守李駿開

躍鱗河 水入迎恩橋通泮池明正統間御史蔣誠開後學正陳琦扁臨河學門曰躍龍門

東河 在州治東三里通北運河明成化間知州彭福浚

濟川河 在州治南自運河壩三十里至廟灣又二十里至濟川鎮通楊子江

浦汀河 在州治北自魚行壩直抵興化高郵寶應卽海陵溪也

楊冒河 在海安鎮東其水北通串場河南通上運河
鴨子河 在州治南二十里西通濟川河東接運鹽河
周二十五里

於祈湖 一名淤溪河在州治東北三十里水下流入
雞雀湖阮勝之記云側有於祈村故名

雞雀湖 在州治東北四十里周三十里水自於祈河
入昔多雞雀飛集故名

包老湖 一名包家湖在州治東北四十里周四十里
水清而無滓雖與他水會而不雜

羅塘港 在州治東四十五里卽今姜堰河

清瓶港 在州治東九十里

城子溝 在州治南三里府志作城子港

九里溝 在州治西九里

黃沙溝 在州治南二十五里南徐莊永安廠側

施家灣 在州治北三里魚鹽蟹稻往來舟船駢集之
所

唐灣 在州治東三十里宋文天祥早發泰州詩驚傳
趕馬在唐灣卽此案文天祥有過泰州鰕子灣及

賣魚灣詩今莫詳其處仍舊志不錄附見於此

泰州志卷之四

河渠 橋渡附 水利附

漢吳王濞開邗溝通運海陵 宋史河渠志

宋淳熙三年詔築泰州月堰以遏潮水

明永樂二年修泰州河塘一萬八千丈 開泰州運鹽

河 王鴻緒明史稿

泰州河渠總名有四曰上河曰濟川河曰下河曰城內

市河

南官運河 在南門外淮水由六閘入至沈家渡入泰

州境過南門高橋東至海安鎮接如臯界

九里溝 自沈家渡東六里注負郭田有上九里溝中

九里溝下九里溝之名

西城河 官運河水至城南西河嘴掣鹽亭入北注西

門外為城濠

西浦 自西城濠北注為西浦又北抵西壩新橋口又

東抵稅房耳門口為西北城濠

南城河 西自南河嘴入東自萬善橋入

東城河 官運河水過高橋北注為東門外濠又過迎

春橋東繞鮑家壩西北注至北門外為東北濠

綽子灣 城東十二里

唐灣 城東二十五里

羅塘港 城東四十五里

青瓶港 城東九十里

楊冒河 海安鎮東北內通串場河

城子溝 城南三里

海子溝 寶帶橋南接濟川河今名海蜚溝

黃沙溝 城南二十五里南徐莊側

繆灣 城南三十里南至大泗莊入泰興界

濟川河 南通口岸至江

泰州為揚屬邑距郡之東由郡至州自灣頭入內河計

程一百二十里今由郡自六閘入至州計程一百五十里江南通志載茱萸灣在江都縣東北二十里引漢吳王濞開茱萸灣通海陵倉府志因之案宋史宣和二年詔引漢吳王濞開邗溝通運海陵倉無茱萸灣三字太平寰宇記載茱萸溝在江都縣東北十里從合瀆渠東過茱萸埭七十里至岱石湖西四里對張綱溝入海陵界府志引寰宇記茱萸溝以溝字易作灣亦失舊唯宋賀鑄有茱萸灣晚泊詩及明張萱詩皆言灣頭則茱萸灣卽今灣頭是也泰州漕鹽艘向由灣頭出入乾隆八年部議覆兩江總督尹繼善會題開濬通江河將董家壩全啟濬治深濶分灣頭壩內之水入江於六壩之上建立大牖開河一道由仙女廟鎮東出口至外河此泰州南門外官運河通六壩漕鹽艘民船胥由是往返之始東至海安鎮界牌頭入如臯境其南門外寶帶橋西南之水由海子溝至廟灣入濟川河南通大江至大泗莊接泰興界

已上上河

浦江河 卽海陵溪爲下河總名

新城殿河 趙公橋北附郭一帶

施家灣 新城殿河東

運鹽河 由趙公橋接楊公堤捍海堰至東邊城一帶入東臺界串場河

採蓮橋河 城東北

靳家潭 城東北近採蓮橋河

港口 城北十八里舊名郭欒潭有前白後白直北過

宜鄉鎮至凌亭閣距興化界

祁溝 在港口東北

董家潭 港口北三里

上溪 港口東三里

淤溪 城東北三十里

唐港河 在邊城之北與興化梓新河接

小溪 城西北四十五里

樊汊 西北八十里西界甘泉邵伯鎮北界高郵下游

一帶

串場河 在海安壩之下河北七里至賁家集接如臯

界又北至東臺界

淮水入六牖過仙女廟至孔家涵內注分流入艾陵湖

經樊汊小溪接浦汀河所謂海陵溪也入蚌蜒河通十

二場注串場河歸海今自楊公隄東至武卞莊分入東

臺界其自興化凌亭閣南流接州境新城殿河東至施

家灣西至犁山嘴板橋口

已上下河

南關至北水關爲城內中市河官運河水至南城濠由水門入至北水門出通西浦明萬曆二十九年都御史李三才重濬其東西沿城市河宋紹興十年州守王喚開寶慶二年州守陳垓浚泰山下市河名爲小西湖東市河由南水門入沿城遶至東水門出後東水門閉塞復自東門內新開一河接連南北西市河亦自南水門入通新河俱從北水門出名玉帶河又舊志云考舊蹟城中向有玉帶河其水自太和橋入八字橋從經武橋西出橫抱如帶故以玉帶名八字橋古河舊蹟地形卑窪者皆是則玉帶河在前明時已淤塞矣又明正統間御史蔣誠開躍鱗河由迎恩橋引入泮池中市河初開通小舟久漸淤墊未濬遂至阻塞

國朝嘉慶年紳士仲振履儲士秀等倡挑市河勸捐興役並呈請居民佔越舊址者概行拆讓繼以經費不足至北水門內而疏濬之工止其東西市河且樂橋下舊有溝可通今亦淤阻

已上市河

插壩

青龍牐 在海安鎮東門外俗名徐家壩內通串場

河今已閉塞 詳後水利

二道牐 在海安鎮東門外賁家集

魚行減水牐 城北六里

已上廢

滕家壩 在南門外高橋東為收稅所即濟川壩舊志

言其壩有五惟中壩存 案滕家壩之名始於順治

年間見賦役門又舊志河渠考內有凌家牐在高橋

東司啟閉者鬻水為利疑即濟川壩別名

老虎壩 在寶帶橋南南接濟川河北至滕家壩地名

海蜚溝即海子溝土人呼為老虎壩有檔木啟閉歸

滕家壩管理

東壩 北門外東北隅

西壩 北門外西北隅前明洪武十五年建正德十年

判官簡輔開拓二壩商民稱便舊名新河壩

鮑家壩 東門外東北隅舊名東河壩

姜堰鎮壩 城東四十五里

海安鎮壩 城東一百二十里

黃龍壩 城西北隅

魚行壩 城北七里

涵洞

九里溝石涵

此石涵為西北下游森森莊等十三莊公修公用

蓮花池土涵

以下東路黃練樹土涵

上曹堡涵

西曹堡涵

東曹堡涵

馬溝唐家涵

馬溝儲家涵

馬溝朱家灘涵

高家涵

黃家涵

儲家涵

小東莊顧家涵

小白米涵

小白米東涵

竹柯涵

白米西涵

白米東涵

馬家莊涵

亮涵子

鄒家涵

盧家涵

崔母西涵

崔母東涵

華陀廟

平頂樓涵

唐家涵

柴溝涵

魏家灣涵

曲塘西涵

曲塘東涵

元帝廟涵

田家港涵

老莊涵

先柯涵

亮橋涵

西毛家涵

東毛家涵

穰子涵

廟西涵

廟東涵

黃自量涵

胡家集西涵

胡家集東涵

謝王河涵

東涵

富家涵

阮家涵

王明甫涵

土樓涵

吉家莊涵

吉家墩涵

阮家小涵

宗家涵

唐家涵

江家涵 李家涵 李小涵

徐家小涵 明康不一 磚涵洞 揚修 戚家涵

海安鎮過街涵 張成茂涵 徐家壩涵 廢

百子橋涵

橋渡

迎恩橋 舊係甄橋後圯 明萬曆三十一年知州李存

信改建板橋名南薰橋嘉慶二十一年知州方恩承

重修仍榜曰南薰 此南門內市河吊橋與北門且樂橋同

豐利橋 舊名暮春橋 宋淳熙三年建後圯夏時雨募

修之今呼為裏高橋

紅橋 在暮春橋之北舊志未載

登仙橋 宋乾道三年建

樂真橋 宋淳熙十三年州守萬鍾建嘉定七年州守

李洪重建

嘉定橋 在街中 宋紹興十年州守王喚開東西市河

建嘉定七年修以年號名明洪武二年知州張遇林

重修舊名日中橋今呼為八字橋

太平橋 宋淳熙十一年州守萬鍾建嘉定十一年李

駿重建後圯明洪武三年知州張遇林建今名稅務

橋 案宮偉鏐庭聞州世說云崇明橋南水門入第

四橋舊近稅務俗謂之稅務橋

陳家橋 舊志橋渡內未載見烈婦坊注

泰宜橋 宋淳熙十一年州守萬鍾建嘉定十一年李

駿重建今呼為大宜橋

王家橋

北水關板橋

迎淮橋 在北門內舊名且樂橋俗名姐姐橋嘉慶二

十一年知州方恩承重修仍榜為且樂橋

以上南門至北門

太和橋 即今州橋以近州治故名或云為周孟陽所

建名河橋

董家小橋 舊志未載

度僧橋 南山寺西

三元橋 文昌閣西前名磊橋舊志未載

小橋 跨市河駝嶺之東

殷家橋 跨東市河至東園

已上州治東南

經武橋 在西門內大街宋嘉定十三年州守李駿開

新河創校場建

伏龍橋 在三官殿西舊志云相傳宋太祖從周世宗

兵至泰州避難橋下及太祖受禪遂名

小板橋 光孝寺南接雙橋舊志未載

雙橋 西接泰山小西湖後名彩霞橋

蔡家橋 南通經武橋今改為甄涵即雙橋之南橋

翟家橋 在經武橋南

沈家橋 在祐生祠西

已上州治西南

天寧橋 光孝寺東宋嘉定十三年州守李駿建因寺

舊名天寧故名今呼為西橋

軍營橋 西即校場舊志未載

已上州治西

右水橋 在念佛庵東舊志未載

沈家橋 在右水橋東舊係板橋道光四年里人公修

改為甄橋

西紅橋 在且樂橋東

東紅橋 皆小板橋舊志未載

以上州治北

鳳凰橋 舊志云在州治南跨長隄舊貢院前已廢

無址

三思橋 舊志云近州治今為溝

金蘭橋 舊志云跨太子港舊傳昭明太子邵陵王
綸同爲樂真人立觀以易斷金如蘭之義名之

案宮偉鏐庭聞州世說云舊志金藍橋在巾河西
南或謂卽今伏龍橋不知何據新志又別載伏龍
及檢陳志止載伏龍而金藍失載新志載金藍乃
舊藏周陽岡鈔本補錄觀此則 國初間此橋已
無確証

嘉慶橋 宋淳祐元年州守陳垓建後改爲板橋

案今百子橋在伏龍橋西北廢塞祇存石板二
志無百子橋名或卽嘉慶 倘舊址

利民橋 宋淳熙十二年州守萬鍾建洪武二年知

州張遇林重修改名泰寧 案州志在西南隅今
南門內跨西市河小木橋冬水涸時撤去或卽此
已上廢

迎春橋 明州守張遇林建 國朝邑人宮自禮修之

嘉慶年間傾塌今改爲板橋

三塘橋 城東一里

常樂橋 城東二里

石橋 東山寺東半里許北與斜橋對

中河橋 城東四里

已上東門外

紀家橋 城東四里元至正年里人紀文昇建成化

二十二年橋圯有石刻存

通仙橋 宋建炎間建明永樂十三年千戶王彬修

舊名郭橋今廢

已上廢

板橋 南門外弔橋

濟川橋 跨南宮河明正統九年同知王思旻重建俗

呼為南高橋里人韓詔等重修更甃以石並增置石

橋 國朝嘉慶年橋傾圯邑人公捐經紳士仲振履

儲士秀張日旺等興修復舊

寶帶橋 在濟川橋之西南明萬厯年諸生李昕倡捐

建置旁有小寶帶橋

萬善橋 在淨因寺門外乾隆五十二年知州袁秉義

新建

夏家橋 南城子溝

已上南門外

通川橋 跨濠塹明成化間圯嘉靖元年千戶嚴茂

建板橋向有河通行崇禎九年兵備副使鄭二陽

知州徐日升從形家言秦州名鳳城此為鳳頸不

可斷築實之今廢

大通橋 北近東壩

徐家橋 在大通橋北

永安橋 在徐家橋北明州判黃通理重建舊名坡今

仍呼坡橋

王家橋 在沙河東舊志未載

小橋 在周家溝東俞氏漁壯園舊址北舊志未載

戚家橋 在施家灣

南斜橋 東北通五里溝任家莊

北斜橋 北通沈家莊西即茅家堡

已上北門外東北隅

便民橋 東壩南明洪武二十九年建

華家橋 東壩東

壘湯橋 東北二里舊志言相傳宋太祖兵至此民

有獻壘湯者啜而甘之遂以名橋

便橋 東壩南明洪武年間建舊志便民橋便橋皆在東壩南洪武年間

建而於便橋下載明已廢疑重出

冠帶橋 在覺正寺西北

已上廢

趙公橋 跨北河接新城殿永寧寺本名鳳尾橋形家

言南門高橋爲鳳首東門外有鳳凰墩爲鳳喙此爲鳳尾乾隆十八年知州趙天爵捐廉倡建州人便之故名

廣濟橋 在魚行莊明成化十五年劉敬建

占魁橋 在廣濟橋北舊志未載

已上北門外直北

拱辰橋

馬橋 在趙公橋東跨新城渡長數十武築木椿長板爲之

已上

耳門橋 在耳門外到北水關舊志未載

廣運橋 在西壩口明正統元年知州王思旻建成化十一年里人朱旻改爲石橋增石闌今名新橋

板橋 在倉浦後爲擡鹽過壩所

通倉橋 明正統間王思旻建 國朝嘉慶年間傾圮今改爲板橋

清化橋 明永樂三年建正德間百戶劉欽重建

孫家橋 舊志未詳何代建今橋石闌刻利涉二字

演化橋 明景泰三年里人張近建

豐樂橋 舊名韓家橋乾隆七年邑人王遇璜捐修建

板橋十九年王漢章等改建石橋有碑記立橋北大街茶庵門外

招賢橋 北山寺西近招賢鄉

永興橋 近西倉

太平橋 在北山寺前舊志未載

長壩橋 在太平橋西舊志未載

已上北門外西北隅

各門外俱有吊橋今惟南門外通川橋下仍通行東

西北三處皆填塞

查家橋 城東二十五里在宋查陶墓北舊志言查子

姓多居橋側故名

西石橋 在姜堰鎮里人黃君選建石工甚固數十莊行人便之

東板橋 在姜堰鎮里人黃楚英建

下壩石橋 在姜堰鎮 國朝嘉慶年間里人公捐重

修

鳳凰橋 在海安鎮鳳山前

百子橋 在海安鎮東

徐家橋 在海安鎮

楊家橋 在海安鎮北水關外即舊吊橋

花花橋 在海安鎮東門外明李祐建

六里港橋 在海安鎮北明徐炯建僧若水修之亦名

若成橋

甄橋一名牙橋 在海安鎮東門外明巡鹽御史康不

揚建 國朝乾隆年間鎮人李祖選倡修

詳見水利

中楹橋 在海安鎮古名三塘橋

西楹橋 在海安鎮西門外向係板橋鎮人王翎修徐

進階等改爲石橋

東楹橋 在海安東門外今廢

採蓮橋 在靳家潭西南

港口夾河橋 在港口鎮

青墩石橋 在莫家莊東

宜鄉橋 在宜鄉鎮

已上橋

西門渡 在州治西門外

王家渡 在州治西十里

陳家渡 在州治西十二里

沈家渡 在州治西十五里

新城渡 在州治北門外

已上渡

水利

泰州境內東南為上河西北為下河上河與江都接壤
 淮水入六牯而東經雙廟沈家渡入州境兩岸有小溝通入以水車
 車水溉田俗呼為坳子自九里溝涵洞入者繞西北隔溉負郭之田過高橋至勝家壩壩
 之東西向設浮橋通寶帶橋河乾隆五十一年始堵築
 由滕家壩而東過姜堰曲塘至海安鎮界牌頭接如臯
 縣境中有小涵洞數十處以資灌溉海安鎮之東徐家壩即青龍牯內通富
 安舊河古名潤河明時富安等場運鹽出上官河經此萬厯
 二十五年巡鹽御史康丕揚疏請挑濬建牯永遠通行
 天啟間如臯紳士惑於形家言呈請築實

國朝乾隆二十年海安貢生陳纘富安場商人吳顯隆等

稟請復建牯開壩巡撫莊檄委淮揚道親勘准先置涵

洞如臯紳士石立等具呈撓阻遂不准行今惟徐家壩

西有百子橋小涵通串場河陳纘曾作牙橋壩源流說

畧以記其事見藝文下河水道以孔家涵為來源北注下

游其道有三一自樊汊至凌亭閣北入興化境一自小

溪東至浦汀河南經港口魚行入韓家橋至板橋為鹽

船到泰過壩所一由浦汀河東經楊公隄至武卞莊邊

城等處入東臺境楊公隄即運鹽場河之旱堰自泰至

東臺一百二十里明成化七年御史楊澄巡視海上因

運鹽河隄年久傾頽商鹽阻滯奏請築河堤一道用椿木四萬三千葦草七十餘萬束興工於十五年二月凡四月隄成

國朝乾隆十八年泰州分司王又樸稟請鹽政普福商捐修築尋被水圯二十三年鹽政高恒重修增築南隄六十餘里開涵洞以廣宣洩蒔葦柳以禦風浪設堡房以司巡守嘉慶十年十三年淮水大至衝齧殘缺頽圯日甚隄址蕩然矣乾隆二十二年六月河督嵇璜奏爲敬籌湖河宣洩機宜疏畧云下河各州縣小港支渠不可數計康熙年間每歲令下河居民挑濬渠溝著有成效應責成地方官於農隙之時查明田間水道有湮塞淺隘之處傳集里民案照地畝辦理佃戶出力業主給食逐年開挑挑出之土卽堆成圩岸以護田疇每年將所挑河詳報督撫庶溝渠通達旱潦有備奉

旨准行嘉慶十六年江寧藩司史積容委水利同知會勘下河斜豐港通場河下海口水利申覆經總督河督會議奏辦十七年冬

命吏部尙書松筠戶部侍郎初彭齡親詣會勘覆奏將下河歸海各道及民田隄埝分別挑築以通歸海之路而免淹浸之虞共需銀六十一萬三千餘兩內應照水利成例

歸高寶興鹽東五州縣民辦工程五十萬七千餘兩此
內有十八萬五千餘兩可從緩興挑計急需興辦三十
二萬一千餘兩連年下河被水民力疲乏似應先行借
款以工代賑一俟年豐卽爲攤征奉

旨依議泰州借款銀一萬三千九百二兩六錢七分五釐共攤
征六年起嘉慶二十一年於道光元年征訖歸欵然挑
濬之後仍不免西水爲患或淮水至八九月間始漲溢
其時開下游各壩雖不傷秋禾而霜降後亦不能播麥
種蓋秦之地勢東南高而西北下東南田畝較下河祇
十之二三淮水至不爲災歲旱則官運河水入小溝坳

子及各洞不足資灌溉故上河之水惟防其洩案舊志
北門外東西二壩洪武年建正德間開拓築實商民稱
便則明以前東西壩可達下河築實之虞其洩也又河
渠考內云寧鄉北十餘里有興化所築長隄一道由興
化至高郵界袤延百餘里所以遏秦之流者則此隄正
以防泰州東西二壩衝注之水今此隄全無餘址由東
西壩旣永堵此隄遂不修久湮沒矣東西壩旣閉故今
之鮑家壩最爲緊要設有衝塌則官運河直灌下河不
獨近壩田禾被淹而上河之水一洩則鹽艘重載難以
通行嘉慶十八年壩決知州方恩承率工役亟築之道

光元年七月大雨復決知州克寶泰更築之是官運河之水防之不使其洩無他慮矣至西北下河一帶既虞旱暵復憂淫雨而莫甚於患西水十歲中水潦常居其半由其河道支港平漫而不深歲大旱時孔家涵一綫來源日見涸竭甚則河中爲平陸通行田禾盡槁第旱災不數見非大旱亦不至無禾數十年來祇乾隆五十年特甚耳水災爲害則不可勝言自秦境暨東臺興化以及高郵之下游北接鹽城周迴數百里祇恃漕河東隄屏障之漕河高於下河數丈勢若建瓴淮水驟發或啓一壩二壩急則五壩全開由白馬湖邵伯湖東入漕

河水勢高漲則中隄之中遲遲昭臨大壩不得不

以次啓放以防隄潰重灘壩距秦界稍遠必將興邑田畝灌足然後而漲潦及秦境各鄉村若在立秋時啓則秋禾尚可十收六七倘開昭關則水至不過三日淹田禾甚速又邵伯荷花塘與秦州西北正對嘉慶十一年塘決直衝秦境西北隅水至不過一晝夜其勢尤甚十三年亦如是蓋自明季漕隄失修下游常被水災至

國朝康熙年間靳文襄治河底績而後興秦東之民得耕而食乾隆五十年以後黃河全雲梯闕入海不暢或時藉以濟運倒灌清口自此湖底淤墊日高不能容納上

游七十二道山川之水是以嘉慶年間水發則開車邏
開昭關最甚者至道光六年六月三十日昭關壩放數
日內下河全淤并城東姜堰鎮至海安鎮後一帶向不
患西水者亦皆淹漫其村廬漂蕩民人散於四方者不
可勝計此百年中未見者也又下河洩水以洶爲尾閭
近則各場濱海一帶灘沙日長去海日遠海口受各場
之水不能宣暢淮水至卽啓海口各牯欲其暢流入海
不可得也明太僕寺少卿陳應芳論漕河建置論地方
形勢及國朝御史宮夢仁請理海口疏於下河水利
至爲明晰今之治河急務惟使雲梯海口可以暢納則
洪澤湖之水出清口可以刷黃斯漕河東堤之車邏昭
關兩壩可無啟放兼之丁溪白駒等場入海之口疏濬
深通足以宣洩則下河民田庶有豸乎至城內市河淤
塞已久倘能南北挑濬并王芾河疏通之俾水局環繞
橫抱則城中形勝可復舊觀其實帶橋以南自海子溝
入濟川河通江口則別爲一河在泰之南境北有小支
達官運河窰灣然僅通小舟惟老虎壩設檔木司啟閉
非若上下河有旱潦之虞也

泰州志卷之五

風俗

婚初聘定次請期次納采歲時以花幣脯果致女家曰
綴節既有期納幣於女家曰過禮女家答禮曰回盤
娶時婿不親迎遣綵輿鼓樂往日晡女家開宴婿家
持東請三次曰催粧女家擇女戚爲女加冠笄曰上
頭初更後綵輿到門婿難雙紅紙撚立堂中迎綵輿
入遂先入房立牀左女戚二人啟輿扶新婦入房立
牀右揭巾行合巹禮謂之坐富貴三字見東京夢華錄則此語古已有
之花燭之下親族以次觀新婦謂之鬧新孃明晨婿

以東投婦翁家日謝親三日拜翁姑行廟見禮謂之
 分大小女家備儀物日做朝是日晡時宴新婦於堂
 姑執主人禮堂中一筵坐新婦陪以二幼女東西女
 戚陪者各二筵七日後婿偕女往拜女之父母及親
 族日同門擇日宴女家戚屬日會親

喪

初喪聞訃親知往唁日訃信斂時始成服立門狀書
 死者官爵姓字生卒年月並喪主孝子姓名日喪報
 門上懸紙球日孝球死之次日謁土地祠三日謁城
 隍廟多焚楮鏹日上廟庶人皆徒跣自往士族或於
 廳事前拜祝焉逢七多作佛事至出煞日空室徙避

日避煞設弔前禮親知數人為司賓主迎送發引前

夕至戚或畱喪主家襄事日伴夜發引時僧道鼓樂

旗幡前引親知設路祭

雍正府志云揚郡喪禮上六夫家用司馬及考亭家禮惟

大小斂製迥殊若親亡之日孝子送飯土神祠次
 起解城隍廟每七作佛事破獄救親皆背禮拂
 甚者也治喪靈前笙簧絲竹之音勝於哭泣
 芻靈明器丹旌彩雲戚不勝文又何怪耶

祭初喪及發引皆設祭弔日以六七俗名六虞葬後奉

木主歸設龕以祀惟搢紳有家廟凡遇忌日謂之遇
 年生日謂之冥壽餘詳歲時

案古人既葬而虞虞者葬後歸祭之名未葬日奠
 六虞之名殊誤近日訃問中有云某日唐奠者蓋

取詩中唐有甓廟中路謂之唐其義較近古

葬葬無定期或數月或踰歲或至十餘年始葬者冢形

不

圓而高有貲之家環冢築土壙曰羅匡樹以松柏

宜遲宋司馬溫公論之詳矣然子孫信堪輿家言往往久而不葬此風又不獨一邑然也

宴會賓禮揖拜上左婚喪禮筵咸以肴七簋湯點兩進

為率

歲時元旦家人長幼行慶拜禮親朋交賀年食隔年所

不用新炊浹旬之內姻族以次椒酒相邀正月五

七日晚占昴星附月向背謂之看穿星初八日為

穀日占雲氣陰晴以定一歲豐歉是日張燈市自十

三夜至十八夜衢巷鼓鏡喧闐花爆極盛時有龍燈

秧鼓雜伎十二日上燈夕食湯圓十八日落燈夕食

湯麪

舊志十六日夜婦女相攜出行曰走橋又請紫姑神以下女紅巧拙今不行此

清明

日祀先展墓新葬者不過社日四月初八日寺院

作浴佛會端午解纓飲雄黃菖蒲酒食臘味小兒

女簪花插艾佩丹符繫五色絲於臂午後赴浴溜者

洗以百草湯是日北門外競渡七夕穿鍼乞巧

中元日祀先薦新僧寺作盂蘭盆會中秋作月餅

陳瓜果拜月會飲重陽日登高酌酒市中作糖糕

插綵旗以售十月朔祀先炊黏米合赤豆為飯告

西成事畢也 冬至前一日曰小冬祀神祭先至日
日大冬投刺相賀如元旦今不復行惟卑幼尙詣尊
長慶拜 臘月八日食臘八粥合諸果品爲之 二
十四日夜送竈神 除夕前三五日姻戚彼此餽歲
是夕祀神祭先炊隔歲飯迎竈神封井過三日不汲
水換桃符更春帖挂五色歡樂紙合家圍爐飲屠蘇
酒守歲蕪松盆燒丹驅疫爆竹聲不絕又家家於戶
外用小包貯石灰印地俗謂之打屯子元旦人見之
呼曰元寶 案東臺志元夕印石灰於地象困廩形謂
之打囤子以兆秋成泰州惟除夕爲之
近士族皆不行此編氓進十廟香自夜達旦駱驛於

道

牧守題名記云海陵爲淮東名郡俗號醕厚事耕
稼尙儒雅恥以浮溥相誇崇禎州志云海陵幽邃
地肥美民惟事耕漁性多樸野自漢高祖王兄之
子鼻於吳致天下娛遊子弟枚乘鄒陽嚴夫子之
徒而淮南王安亦招賓客著書文辭並發至蕭統
有文選之作常與賓客遨遊此地而港以太子名
橋以金蘭著隋書亦云其俗頗變喪祭婚姻率漸
於禮又有查胡王諸公化之茅茨陋巷絃誦相聞
蔚然有文雅風故自宋雍熙至淳佑登進士者百

餘人間有廷對第一仕至樞府政地者又云泰俗民樸而鮮儇巧士重信義斥浮薄今漸以奢侈相尚燕會服飾比於三吳小人尚氣好爭或細故輒終訟不已將何以輓江河而復獠狃之舊也

物產

穀類

泰州紅

一名海陵紅漢書揚州有桃花米即此

馬尾赤 鶴腳

烏 雀不知 隨犁歸 救公饑 六十日白 觀

音 駝兒白 小香 早香 墨早 白早 早

秬 斑秬 焦芒 青芒 赤芒 黃芒 紫紅芒

烏壳 深水紅 了田青 下馬看 鯽魚秬

香粢 鱈魚 以上皆秬稻 趕陳糯 羊脂糯 燕口

糯 羊鬚糯 虎皮糯 秋紅糯 紅糯 香子糯

以上皆秬稻 大麥 小麥 淮麥 蕎麥 以上皆麥 赤蘆

稌 白蘆稌 以上皆黍 稌 粟 以上皆稷 紫豆 豇豆 有紅有白

白紫斑諸色 蠶豆 刀豆 龍爪豆 藕豆 有黑白二種

皆菽 芝蔴 有黑白二種 芥菜 紫白二種 苕菜 生菜

蔬類

白菜 數種

青菜

芥菜 紫白二種

苕菜 生菜

薺菜 莧 有紅白紫三種 芹 水旱二種 波稜 俗呼菠菜 薯蕷 俗呼

甜菜 苦蕒 即芭也俗呼芸臺 香蒿 苘蒿 豆芽 蒿苳

蕺荷 萋 蘿蔔 紅白紫三種 胡蘿蔔 菱白 一名菰菜

香芋 甘露子

薯蕷 俗名山藥

芋 俗名芋苗

蕈 生水

者曰天花蕈即木耳石上者曰石耳

葱 韭 薤 蒜

胡荽 俗名原荽

西方以上五種為葷菜

山芋

瓜類

王瓜 絲瓜 冬瓜 西瓜 南瓜 北瓜

甜瓜 香瓜 苦瓜 玉瓜 壺盧 數種俗名葫蘆 瓠子

茄 大業雜記云煬帝改茄子曰崑崙紫瓜因系子瓜屬

木類

松 柏 桑 槐 柘 柳 榆 椿 桐

檀 阜莢 一名阜角 白楊 黃楊 垂楊 冬青 即女貞

狗橘 棟 梓 銀杏 檉 穀 一名楮桑

烏柏 櫻櫚 亦名楸櫚

花類

牡丹 芍藥 薔薇 荼靡 亦作酴醾 海棠 木

香 瑞香 一名睡香 結香 郁李 玉蘭 紫荊 梔

子 一名林蘭即聚八仙花 繡毬 木筆 紫薇 木槿 金

沙 鹿葱 金萱 夜合 一名合歡 芙蓉 桂 山茶

玫瑰 一山丹 鶯粟 金錢 蜀葵 黃葵 雞

冠 菊 珍珠梅 旋覆花 俗名滴金 月季花 紫

丁香 鳳仙花 後庭花 即雁來紅 十樣錦 石竹花

梅 蠟梅

果類

銀杏 櫻桃 石榴 桃 梅 杏 李 棗

梨 橙 柿 菱 芡 蓮 藕 胡桃 栗

林檎 來禽也俗名花紅 文光果 俗名無花果 鳧茨 俗名葶薺 茨

菰 本草作慈姑

竹類 苦竹 筍竹 筋竹 紫竹 鳳尾竹 水竹

斑竹 慈竹 篾竹

草類 蘆 荻 茅 葦 菱 莎 蒲 蓼 蘋

蒿 稗 一名狗尾草 萍 藻 孩兒菊 荳 芒

莞 黃草 苻 三稜 佛指甲 酸漿 瓦松 生

屋上 魯丁 馬鞭草 雀麥 菖蒲 一名水劍 芭游 一名

節竹 虎耳草

藥類 荆芥 半夏 苧薺 枸杞子 有紅黃二種其根為地骨皮

何首烏 赤白二種 三七 蒲黃 大戟 瓜蔓 黃

耆 桃仁 杏仁 芎藭 白芨 山藥 薄荷

牽牛 蒔蘿 菟絲 紅花 紫蘇 南星 生地

黃 車前子 蒼耳 麥門冬 蛇牀子 天麻

香附 牛膝 豨薺 海漂硝 一作鱈鮓 苦葶藶 益

母 阜角針 蒺藜 金銀花 桑白皮 艾 連

翹 蒲公英 紫花地丁 當路根 落得打 澤

蘭 俗名香草 金不換 已上五物舊志不載今增入

毛類 牛 二種 羊 二種 馬 驢 羸 豕 犬 兔

貓 獾 鼠 黃鼠狼 鼠狼二字見北夢瑣言舊府州志狼作郎非是

羽類

鷺

雞

出樊汶者高二三尺

鴨

鳧

俗名野鴨

雉

花雞

鵲

鴉

燕

鷹

烏

山練子

鳩

鴿

天

鷺

啄木

鷓鴣

白鷗

黃鸝

青鳩

練雀

郭公

一名布穀

鸚鵡

俗名八哥

叫天

白頭公

禿鷲

鸛

鶻

鴟

一名伯勞

桃花鷄

或云即田鼠所化之鴟舊志不載今增入

鱗類

鯉

鯽

鱧

俗名烏魚

魴

即鯿魚

鰻

鱖

鱖

鱣

鮎

鱧

出江

鮠

魴

鱸

鮑

鯨

鱈

鱈

鱈

鱈

銀魚

金魚

白鱈

烏賊

石首

俗名

魚黃

鰕

鮓

鮓

鮓

介類

龜

鼈

鱉

蜆

蠃

一作螺

蛭

有毛蛭竹

二種

蚌

蜃

蛤

蚌

蚌

即魁

泥蠃

大者名

土蛭

蚶

螃

蜆

自蛭以下今皆自東臺來

蟲類

蠶

蜂

蝶

螢

蟬

螳螂

蜻蛉

蚱蜢

蚱蜢

蟋蟀

龍龜

馬蟻

蟋蟀

蚯蚓

蛆

蠅

蠅

蠅

似蝦而

背青綠者曰青蛙人多食之名水雞子曰蝻科

天牛

蟬

鼠負

一名伊威

蜚蠊

蠅

蠅

蠅

俗名

俗呼紡績婆

蛾

叩頭蟲

泥

俗呼土龍

蛭

蝸

絡緯

貨類

莞席

苧麻

繖麻

川麻

苧布

木綿

生絹

黃草布

硝繭

靛藍

飲食類

綠羅春

秋露白

見雍正府志舊志不載

蕎餅

枯

陳已上 鹽 麻油小磨者佳 鰕米 變蛋 斜糕已上

二物舊志不載今增入

按周暉清波雜誌云州治前井名蟹黃水釀酒極佳名曰雪醅紹興間命取此水至杭郡釀酒味終不及今泰州釀之醅者名陳酒味甘濁殊遜浙酒清冽此井當在州治前亦無遺址可攷

器用類 鍤農具 篾籬 箕 土缶 菱苗帚 蒲

包 瓦烘爐 竹篋 竹篾被籠已上二物舊志不載今增入

泰州志卷之六

城池 街市坊巷附

南唐昇元元年升海陵縣為泰州以褚仁規為刺史築羅城二十五里濠廣一丈二尺周顯德五年詔州刺史荆罕儒為團練使營州治增子城於東北隅更築城自子城西北至西東南至南合西南舊城周十里一十六步皆甃高子城一尺而厚如之今城是也宋建炎中通判馬尙增修盡甃其外為四門為甃城高三丈二尺趾二丈面三之一廣濠至五丈深一丈四尺城之南又增一濠紹興辛巳完顏亮寇州城廢開禧丙寅權守趙逢

始修築守翁潏何剡繼之六七年間纔甃二里餘朝以
委提舉茶鹽事施宿申免耗鹽本錢一年置密百座乞
鎮將軍並庸夫重甃其表視舊增五之二寶慶丁亥守
陳垓叛開東西北外濠浚南濠通十四里面二十四丈
深一丈五尺端平後守趙汝擢增治城濠未竟守許堪
繼之四角爲月河深廣皆倍於舊又別於城北湖蕩中
創堡城去城五里謂之新城提刑丁口提舉邱岳制置
司趙葵實王之淳祐元年北兵突至以濠深不敢嚮而
覘堡城乃命守趙玘夫修城浚濠益嚴備禦工未竟元
兵襲通州或謂海陵雖守議改築而邑人安土重遷三

年命都統王安來仍舊修浚以提舉提刑惠孔時爲之
提督後何舜臣復增月城四門濠池甬路及圃子外濠
岸使周圍相通元至正十三年五月張士誠爲亂公私
房舍寺觀廟宇燬爲瓦礫官民潰散舊有堡城修築據
守設置義兵元帥府並設泰州衙門是年士誠卽據高
郵二十五年舊志言洪武乙巳案士誠滅後始稱洪武
元年此仍至正二十五年從正史改正
士誠泰州守禦官夏思恭院判張世俊議修葺舊城南
興工而徐達兵至泰興江岸河港不通調撥軍士自大
江口挑河十五里通口岸直抵州之南門灣常遇春率
馬步兵從揚州陸路同日至交戰思恭等敗退保新城

達等大軍入舊城屯駐進圍新城遇春復東築海安鎮

城屯兵拒絕通州糧道閏十月庚辰諸將克新城擒士

誠將嚴再興夏思誠等

舊志言士誠退保新城府志仍之案士誠於元順帝至正十三

年五月陷泰州是年即據高郵十六年陷平江路自高

郵都之二十五年明兵取泰州二十七年克平江士誠

被擒自縊死士誠自都平江後並未身至泰州何得言

士誠退保新城又明紀事本未載明兵克泰州擒士誠

將嚴再興夏思誠等

則夏思誠當係思誠

遂於舊城修築留兵鎮守繼而建

設州治及守禦千戶所而新城及海安城俱廢城周圍

二千三丈二尺計一十二里四十七步高二丈七尺趾

潤四丈面二丈城門樓四座東曰海寧西曰阜通南曰

迎恩北曰迎淮月城四座南北水關二座窩鋪八十一

間濠深一丈一尺廣五十一丈袤二千三百八十八丈五

尺為海防要害萬厯十四年大水城垣四周傾圮四百

八十丈窩鋪三十間州守譚默申請海道胥遇蠲公帑

鳩工役具甃修築設南北水關通城內市河城內橋梁

皆明時州守前後相繼修建

國朝康熙十三年知府金鎮首捐俸令知州嚴愈率士民

協修城垣至乾隆三十二年歲久坍塌知州王鎬詳請

重修總督高晉巡撫明德會奏奉

旨准行乃檄行淮揚道巴靈阿揚州府知府楊魁監督辦理勘

估城通長二千一百四十一丈四尺九寸高二丈六尺

六寸底寬二尺五寸頂寬二尺五寸城上排牆高二尺六寸五分厚一尺五寸墜口二千八百一十二座每座長六尺並六尺一二寸不等高二尺四寸五分厚一尺城上海漫甃高四寸四分寬二尺二寸月城四座外皮通計長一百七十九丈九尺一寸裏皮通計長一百五十八丈六尺三寸高二丈六尺六寸底寬三尺頂寬二尺四面裏外城門臺八座南北水關二座城樓四座每座三間通共估工料銀九萬八千七百六十三兩七錢一分一釐派員領項承修第一分工前任泰州分司張景宗第二分工興化縣知縣林光照第三分工裁缺東

臺同知伍寶第四分工泰州知州王鎬第五分工前任揚糧通判孫步雲暨泰州裁缺州判王謨第六分工甘泉縣知縣龍燦岷每分派領工銀一萬六千四百六十九兩五錢於乾隆三十五年總督高驗勘收工順天府尹邑人程盛修爲知州王鎬作記

案月城卽四門外之甕城舊志言上有堞樓門各一座卽馬尙所增建者萬厯二十五年新之改扁東鎮海西控淮南襟江北拱極乾隆三十五年新修後樓在正城門上月城只垣墉周圍之門外嵌小石扁仍前署東曰海寧西曰阜通南曰迎恩北曰迎淮

子城州城內東北隅周二里二百步表裏皆圍以甃卽
荆罕儒所建今當察院馬廠之間城盡圯州治移故海
陵縣基乃子城之西也

新城州治北五里周圍二百丈卽許堪創建堡城也宋
德祐二年元阿木遣兵拔新城畱屯以逼秦州元末爲
張士誠僭據明初平之今廢

海安鎮城州治東一百二十里南北朝戍守處也陳太
建五年師克齊城海安唐景龍二年析海陵置海安縣
開元十年省人海陵明徐達宿淮東時常遇春築城於
此表裏輒甃周二里二十步後圯嘉靖間值倭亂巡撫

唐順之兵備副使劉景韶重建四周土城六里許水關
三座城門三座曰鎮寧曰泰寧曰永安今東西兩門尙
存

街

州治前大街東至察院街西至西橋

南門至北門大街三里 自大寧橋北闔闔鱗次
相接登仙橋南稍疏濶

南門外至高橋約二里市廛稠密北門外坡子坊市

廛尤盛北至趙公橋三里餘

東門至西門大街三里 東門外卽迎春橋
西門外卽城濠

案東西大街至今有石鋪地相傳宋元時人煙稠密

今四隅多墾爲田當由明初徐達常遇春攻拔泰州

兵火之後遂不復整密也

十勝街 在州治西南入樂真橋小街西至伏龍橋相傳
宋太祖從周世宗兵入泰州一日十勝及宋興

受命敕名
日十勝街

新盛街 北抵州治南通
稅務橋東西街

狀元街 在儒學西一名儒
學大街明嘉靖間

學正陳琦因宋王
俊父中狀元故名

運司街 在州治南
崇明橋東

銀行街 在州治西南
登仙橋東北

米行街 在州治西南
登仙橋東南

鼓樓街 在州橋北一
名察院街

坡子街 在北
門外

彩衣街 在坡子
街北

西倉街 在北
門外

鹽浦 在北
門外

市

新橋市 卽南北
關二市

東河市 城東
三里

蒲鞵市 一在登仙橋北一在狀
元街一在三三街坡北

姜堰市 城東四
十五里

坊

大寧坊 天寧坊 太和坊 元履坊 交利坊

進德坊 鐘樓坊 嘉泰坊 州後坊 已上
城內

坡子坊 管王坊 東壩坊 東城莊 安家坊

太平坊 小關口 演化坊 清化坊 招賢鄉

便東甲 民西甲 郁家鋪 耳小甲 已上北 門外

南一鋪 南二鋪 已上南 門外

巷

歌舞巷 市巷 南阮巷 北阮巷 鐘樓巷

姐畱巷 務巷口 萬家巷 周五巷 預倉巷

荻柴巷 蔡女巷 杜家巷 石人巷 已上俱在城內

堂子巷 東壩口 西壩巷 楊柳巷 搭包巷

索巷 石頭巷 旗杆巷 杜家巷 徐家巷

許家巷 顧家巷 繆家巷 雞鷺巷 嚴家巷

陳家巷 羅家巷 吉家巷 井兒巷 灣子巷

本廠巷 忠義巷 壇場巷 便橋巷 沈家巷

板廠巷 五條巷 已上北 瓜柳巷 滄浦巷

郁家鋪巷 盧方巷 河所巷 阜角巷 楊樹巷

瓶罈巷 井兒巷 竹木巷 已上南 門外

泰州志卷之七

公署 義局附

州署 在城中近東北明洪武三年知州張遇林即古

海陵縣基剏建宣德五年知州蕭旭正統十年同知

王思旻景泰五年知州劉綸成化十五年知州陳志

先後繕修

國朝康熙十三年知州金縝率知州嚴愈重修

照墻 舊志為南園門上有黃榜 東牌坊 西牌坊

開科字為明解元張文建 舊為輒園門扁曰紀綱重地文獻名邦嘉慶間圯二

十一年知州方恩承改置木坊傍曰漢唐古郡淮海
名 大門三間 舊志載萬曆三十一年知 門內東
區 州李存信曾建樓其上

土地祠

東巷內為東公廨

西為監獄

西巷內為西公廨居民宅甚眾

儀

門三間

中為甬道

舊志知州陳志建

東吏舍十四間

西吏舍十一間

大堂三間

西庫房一間

堂後

小甬道

東西廂舍

內正門

二堂五間

康熙五十二年

知州魏錫祚重修堂之中梁刻有年月字記

內宅門

東西有廂

大

樓五間

樓後從舍八間

東宅六間

知州方恩承重修

幕舍南北六間

在二堂之東

東為廚房及從舍

東北

有荷池

西廳六間

今名浮香亭州志云亭在藕花洲後案宋時州治在今州治之

西南康熙間知州武柱國於堂之西偏葺亭表曰浮香州判潘尚仁系以詩五十三年知州魏錫祚更葺之並刻宋賢梅花詩於壁道光五年知州王有慶重修

廳後幕舍三間

又

西幕舍三間

西南為從舍

學正署

見學校

州同署

在州署大門內之東傾圮未修今惟存屋三

間凡蒞任者別賃屋居住

吏目署

在州同署東

巷口傍日海陵尉署道光三年吏目諸惟詮置

照牆

大門

前堂三間

二堂三間

東書房三

間

南六間

吏目諸惟詮重建院有冬青一株因以名館

內宅五間

又東二間

東西廂房二間

又四間吏目諸惟詮

建

廚房三間

從舍共六間

海安巡檢司署

在海安鎮之三塘康熙三十年巡檢

何延禧重修

大門 土地祠 儀門 前堂三間 東西吏舍六

間 一宅門 一堂三間 東西門房四間 西書房

四間 內宅三間 廚房一間 其餘羣舍 嘉慶三年巡檢

朱積捐置

宜鄉巡檢司署 舊在宜鄉鎮康熙三十五年大水衝

塌移駐小溪鎮嘉慶十七年巡檢王慶齡稟請藩司

領銀修置十九年報竣

頭門一間 二門一間 前堂三間 一堂三間

住宅三間 廚房一間

泰陽監掣署 在北門外西倉大街雍正十二年監掣

高鳳翰請項建設

大門三間 二門三間 東西廂房六間 大堂三

間 東披房一間 書房三間 住室三間 小樓

三間 廚舍三間 羣舍十二間 以上舊置 二堂三間

內宅三間 西廳三間 從舍七間 西南北廂

六間 已上乾隆四十九年 大門外照壁 左坊 勝

杜奸 右坊 勝日乘 書吏差舍 二門東西置神

祠 堂左右設鹽倉書舍 已上嘉慶元年進 判色克精額增設

遊擊署 在州治東南

照牆 頭門三間 東轅門 西轅門 鼓吹亭二

二門三間 大堂三間 道光三年遊擊張應錫重修 東廳三

間 東書房三間 西書房三間 二堂三間 內

宅五間 嘉慶二十四年遊擊福智重修 西廂三間 廚房三間

箭道 箭廳三間

守備署 在東門內

照牆 頭門三間 二門三間 班房三間 衙神

堂祠 大堂三間 營書房二間 軍器房六間

火藥房一間 二堂三間 西廳三間 東書房三

間 東箭道 正宅五間 東西廂房五間 廚房

二間

衛所署 在州治西南即前明守禦千戶所

照牆 頭門三間 土神祠三間 儀門三間 大

堂三間 上有駝嶺清風扁相傳為岳忠武書乾隆間衛千總曹相重摹舊時大堂三間在前有泰

堂明月扁燬於火今之大堂舊二堂也案州志云淮

東道院在州治大廳之東寶慶三年守陳垓增建泰

堂則泰堂當在舊治內所署向設此扁或宋時州治

近是今無考又州志載前明千戶王之屏設有經武

亦無 二堂三間 左宅門 花廳三間 書房

三間 後宅六間 廂房十間 已上左所 右宅門 花

廳三間 書房一間 內書室三間 後宅六間

廂房八間 已上右所

學政試院 在州治東舊為鳳撫軍使院明景泰二年

以副都御史王茲督運因兼巡撫淮揚諸府治淮安

嘉靖三十年以倭警始專設巡撫防海駐泰州至李

三才廊而大之後倭寇平漕撫復合仍還淮安

國朝康熙年間即舊基改為學使試院後移駐儀徵邑人

朱鳴球鳩貲重修試院呈請復駐泰州 案舊志及

宮夢仁重修學使行署記俱未詳何年改置

照牆 鼓吹亭二座 東西棋杆二 東轅門廟曰騰蛟

起鳳 西轅門廟曰紫電青霜 大門 東偏為官廳

西偏為聽差房 儀門 東西考棚十八間試院重移

泰州時考棚覆以蘆蔭土每苦風雨邑人劉亮高繩武倡捐改為瓦屋乾隆五十九年郡屬公捐重造卓

堯州人仲振履程章等董其事 大堂五間 一堂後有卷棚 二堂

五間中有思補堂扁 內正門 中有甬道 正房

五間舊有樓嘉慶十二年燬於火 東西廂樓 正

房後為幕舍 東北一帶為廚舍供給所及從舍

演武廳 在州治西校場

前堂三間 後三間

附歷代公署

海陵制置院楊行密即縣置

都察院明萬厯間李三才以察院改創左側官廳二所又設兵營房二

海防兵備道署 在州治南

中軍廳 在道署西

兩淮都轉運鹽使司署 州治東

淮東提舉司署 宋州守陳垓兼提舉重修

府館 州治前

臺門 州治東南舊運司外門

尉廳 在東門外鳳凰墩上宋海陵縣尉廳

州判署 在州署西乾隆三十三年缺裁後屋宇傾圮今州署內西隙地皆是

淤溪薄湖河泊所 州治北三里

鎮撫司吏目宅 在守禦千戶所內

已上俱廢

常平倉 在州後坊

常豐倉 在州治西橋後前明為預備倉

西倉 州治北門外社稷壇東為兌漕所○前明為常豐倉

鳳米倉 州治北門外西浦乾隆三十三年分置東臺縣後為東臺收漕所○前明為兌軍倉

鹽義倉 州治西南隅詳見鹽法

稅房 一在南門外滕家壩一在東門外鮑家壩一在北門外堂子巷內

申明亭

旌善亭 嘉靖維揚志云亭在城二所在鄉都一百四十一所洪武二十三年知州陳宗建俱廢

戒石亭

太倉一名海陵倉吳王濞建左思吳都賦觀海陵之倉則紅粟流衍

州倉舊子城西門外

平羅倉附州倉宋嘉泰三年守陳茂英建

西倉經武橋北嘉定年間州守李以增戍兵建

惠民倉嘉定六年常平使施宿建

鹽倉西門鹽局觀中興鹽都局也改為倉

真州鹽倉常平使徐正卿建

平羅備邊倉嘉定橋南紹興五年守趙瀚

軍儲倉在守禦所西南洪武元年建

屯種倉州治西永樂三年建

甲仗庫舊在州署左司房之上

架閣庫舊在州署右司房之上

軍資庫舊治于城西南嘉泰元年州守韓杲卿移建無訟堂之東

寄收庫附軍資庫

修城庫軍資庫前

常平庫軍資庫後

書籍庫在柳堂精舍西

都造酒庫舊州治大廳西

斗門酒庫州治西二十五里守陳垓建

戶部贍軍庫日中橋南

迷仙庫

登仙橋東嘉定十二年守陳垓增屋

樓

公使醋庫

舊茨舍嘉定十六年守史彌寧易以瓦屋

節制司激賞塘頭庫

節制司激賞塘壩庫

節制司激賞廟林庫

三軍皆寶慶三年州守陳垓置以贍軍

便民典庫

運司西舊在市心經息以便細民

寄樁庫

錢之不隸鹽本六邑者入之

公使庫

籬筭家糧雜以錢入之

軍器庫

運司西皆陳垓設

受給場

舊治西門樓內

糯米場

舊治大廳西廊

上河支鹽場

濟川橋西守陳垓移建北浮橋西

柴場

嘉泰元年守陳茂英建

鐵鹽場

招賢門外

清酒務

登仙橋西慶元五年守張煥建

西酒務

登仙橋西舊名白酒務寶慶二年守陳垓建

南稅務

舊在海春館州守陳垓移建南門外

北稅務

東河稅務

東門稅務

稅課局 州治西南

席索局所 西門內鹽倉側

造作局 守禦所東即軍器局

翹院

修城司房廊 五百間州守李駿建

已上見雍正府志及州舊志今俱廢

義局

養濟院 在州治東南隅月給孤貧銀米一百二十六

名 詳見賦役

育嬰堂 在州治東南進德坊舊堂在堂之西北康熙

六十一年知州魏錫祚倡建州判魏徐寬有募捐序

雍正六年知州褚世暄倡捐置田三百七十一畝五

分有碑記十一年邑人劉之滂徐漢等於北門外捐

建普濟堂以城內育嬰堂傾頽失修移於城外普濟

堂側以普濟育嬰合為一局後廢仍移入城內舊處

嘉慶四年職員尤彬董育嬰堂事捐貲買團氏民房

移建以舊堂屋宇請改設義學其前附普濟堂者亦

請改為北門外義學道光二年知州趙鉞吏目諸惟

詮清查堂內新舊捐置恆產擇殷實董事循照堂內

舊規經理其董事歷年更換 現在董事職員張銳 知州趙鉞詳

明每月捐銀五兩吏目諸惟詮捐錢一百千詳明重

修號房三年知州克實泰詳明每月捐米三石歷任

同四年泰壩監掣侯鑄詳明每月捐銀十兩歷任同

七年知州王有慶捐銀五百兩留為生息添補經費

本堂房屋十九間大門○二門○廳屋三間○號房五間又五間吏目諸惟詮建為乳

母撫嬰所
○廚房

本堂收租市房十八間管王坊四間○清化坊十間半○太和坊五間○又一間

○歲入房租錢六十五千四百文

本堂田畝七百四十二畝樊漢黃家樓二十九畝○野營莊八十畝嚴御聞開

墾○石洋莊六畝五分○北徐莊一畝○罡門莊七十七畝王宏頴捐○海安韓家窰草田二十畝

○秦潼南蕩熟田十畝荒田四十七畝每年納租一十六百文潘鳴九地租六百文○已上歲入租

錢九十四千五百七十文○花楊莊田四百六畝五分納稻租四百二十一秤○滕家莊田三十畝

納稻租三十秤

舊存程鼎亨典回贖從前田畝銀四百四十八兩五

錢每年取息銀五十三兩八錢三分

前任知州袁秉義捐制錢一百千文存典一分生息

每年入制錢十二千文

日捐各鋪錢三百七十六文每年納入一百三十五

千餘文

普濟堂 在北門外西倉街社稷壇東雍正十年紳士

劉之澇繆冕李廷芳徐漢王舜予俞惟植譚大震等
呈請勸捐建立普濟堂收養疾病無告之人知州汪
日容批准首先捐廉以倡善舉闔邑以次公捐十一
年堂成並請移城內育嬰堂附於堂側董事輪流經
管具冊報州詳轉勒石日久堂務廢弛歷經知州趙
錫禮王鎬李世傑先後整頓仍復經費不敷嘉慶二
十三年知州方恩承二十四年知州王頰延董事戈
崇豫總理堂務道光二年知州趙鉞吏目諸惟詮清
查普濟育嬰兩堂舊產內有田房地基私售越占者
概行追贖並捐廉新修號房及一切調理病人所需

罔不周備擇殷實董事照堂中舊規經理其董事歷
年更換現在董事職員李德勳鄒開基魯嘉祥司記監生王輔知州趙鉞詳明
每月捐銀五兩三年知州克寶泰詳明每月捐米三
石歷任同四年泰壩監掣侯鑄詳明每年捐銀十兩
歷任同七年知州王有慶捐銀五百兩畝為生息添
補經費

本堂房屋四十八間大門三間。第二進屋三間舊為育嬰所。華王殿三間。西穿堂三間。大廳三間。大悲樓三間。東司事廳三間。義學館三間亦舊育嬰所改設。東號房十二間吏目諸惟詮倡捐新建。西號房十二間俱收養病人所。藥房一間。廚房三間。後門一間。大門外有義塚地八畝五分

本堂收租市房四十二間

郁家鋪二間。便民坊六間。又二間。又二間。

老西河店八間。○演化坊二間。○東壩坊七間。○

清化坊五間。○西壩頭二間。○大門外東四間。西

二間。○高發貴屋後地基一段。○堂西高筏子地

基一段。○南芹菜田地地基一段。○東廩對過地基

一段。○堂東契買繆奇甫地基一段。○都天廟旁

李嘉然等捐送地基四段。○堂東陳姓地基一段

○已上歲入租錢一百

五十三千六百十三文

本堂田畝八百六畝九分

契置西馮莊田五十九畝三分。○楊家山義塚旁田

二畝。○森森莊義塚旁田二畝。○西黃莊一百七

十四畝。○王家驕捐。○曹圩橋一百一十畝。○沈家莊

田三十畝。○王舜予捐。○東坂埭田六十五畝。○許尚

綸捐。○葛家莊田八十五畝。○張甲士捐。○沙村莊

田四十四畝。○耿家莊田四十六畝。○下紀莊田

十畝。○老季莊田九畝。○楊家莊田二十畝。○五分

○又四十四畝。○三里廟田十畝。○朱家莊田三

畝。○一分。○便民坊田六畝。○管工莊田二畝。○那

家橋草田五十畝。○王師莊田三十五畝。○港口

塔岸四十畝。○水額租六百文。○已上歲入麥租錢

一百四十五千八百六十五文

秋租錢四百七千九百五十五文

存程鼎亨典回贖田價銀三百七十六兩每月一分

生息歲入息銀四十五兩一錢三分

清節堂 在州治西南進德坊嘉慶二十二年十月舉

人金源仲振猷宮庭職員盧鎮唐尤燦諸生費履堅

潘厚坤監生陳宗琳譚晉士等呈請仿江寧蘇州鎮

江三府創立清節堂收養無依孀婦保全苦節知州

方恩承批准獎與首捐廉五百兩曉諭城鄉紳士等

籌款公捐二十三年三月堂成設立規條董事

仲振猷陳

宗琳紀宅安尤燦 整理堂務二十五年署知州王觀
譚晉士潘厚坤

以捐款中契買田畝所入不足供經費諭令轉售彙
錢一萬千交各典每月一分二釐生息應用申詳存
案並每月捐米十石道光元年知州趙鉞改為捐銀
三十兩以二十兩歸本堂餘十兩分給普濟育嬰兩
堂歷任做此泰壩監掣詳明每年捐銀二百四十兩
案月支領歷任同

本堂房屋六十五間

大門。二門。廳屋三間。腰門內為孀婦住室。穿堂三間。

○堂屋三間。○厨房三間餘為羣舍

大門外貞節石坊一座

道光四年建

堂內條規附錄其要

孀婦無依願入堂者報明經董事確查稟州存案取其族隣切結仍查明守節在三十歲以內得與請旌之例相符方准入堂初設堂時經費未充以孀婦三十名為定額有幼子女均准隨母入堂堂設書塾延老成塾師課孀婦子十歲以內辰出就塾申入依母十歲外隨師在塾中宿成童後其學業可應試即由本堂中申送州試其不能讀書者十四歲後令其母與親族量材送鋪家學習資生計後有學藝足以自給願接其母出堂自行奉養者聽女及笄或有親

族代為擇配均聽其母主持堂給奩費十兩貞女在

室守志其父母及夫家皆貧苦願入堂守節者一例

收入孀婦貞女在堂多年年例相符本堂代為請

旌每二十名合建一坊以省經費

現已請旌入坊者監生官升基妻

項氏姜選

昌妻卞氏

捐施附錄

運同高榮軾捐銀一千兩戶部主事王篤慶捐錢八

百千土家樓王驄妻謝氏與子承詔妻曹氏捐錢二

千千曹氏又捐錢一千千田某妻章氏捐錢五百千

案志書體例不載捐施姓名今自掇田五十畝以

止捐錢三百十以上者特書之餘具載州卷不



錄


太平水倉 在州治北門外坡子坊嘉慶三年邑人譚

獻琛倡捐建置內設水池水龍並救火器具又海

鎮太平水龍局三

一在鎮之二官殿茅行宮一在祇樹禪林







秀州志

卷之二

四



12 1/2 2600

